

1644.

ADUMBRATIO QUAEDAM OBSERVATIONIS

DE

H E P A T I S
INFLAMMATIONE CHRONICA.

*DISSERTATIO INAUGURALIS
ANATOMICO-PATHOLOGICI
ARGUMENTI,*

QUAM
CONSENSU ET AUCTORITATE AMPLIS-
SIMI MEDICORUM ORDINIS

IN
UNIVERSITATE CAESAREA LITERARUM
DORPATENSI
PRO GRADU
DOCTORIS MEDICINAE

LEGITIME ADIPISCENDO

CONSCRIPSIT

A U G U S T U S E L K U A N,
PETROPOLITANUS.

DORPATI LIVONORUM.

TYPIS J. C. SCHUENMANNI,

M D C C C X X V .

IMPRIMATUR

haec dissertatio, ea conditione tamen, ut, simulac
typis fuerit excusa, quinque ejus exempla collegio libris
explorandis constituto tradantur.

Dorpati Liv. die V. m. Febr. a. MDCCCXXXV.

DR. ALEX. HUECK,
Ord. Med. h. t. Decanus.

PATRI OPTIMO, DILECTISSIMO,



MEDICINAE DOCTORI, AUGUSTISSIMI IMPERA-
TORIS ET TOTIUS ROSSIAE AUTOCRATORIS
A CONCILII STATUS, ORDINIS ST. ANNAE
SECUDAE CLASSIS CUM CORONA CAESAREA
ET ST. VLADIMIRI QUARTAE CLASSIS
EQUITI.

Sumite materiam vestris qui scribitis aequam
Viribus, et versate diu quid ferre recusent,
Quid valeant humeri.

Horat, ad Pison. 38 sqq.

P R O O E M I U M.

Nemo certe est, cujus in manibus haec
opella versatur, qui non satis miretur
me tam asperam atque tam salebrosam
iniisse viam, quum secum reputaverit
anatomia pathologica quantis adhuc
tenebris difficultatibusque prematur.
Equidem perbene scio, etiamsi a priscis
inde temporibus optimi quique ac saga-
cissimi viri depravatae organorum cor-
poris humani structuae operam nava-
verint, rem anatomicam ad indagandas

D 17762

morborum caussas, sedes nec non effectus eorum eruendos non multum huc usque profuisse doctrinamque, quae inde exorta est, anatomiam sic dictam pathologicam re vera ad hunc usque diem in incunabulis fere esse.

Fugere me itaque non potest, nemini, nisi in re anatomica maxime versato et cui frequentissima fuerit occasio cadavera morbo denatorum sedulo perscrutandi, de tam difficulti tamque arduo argumento disserere licere. Nec unquam mihi, his facultatibus omnino destituto, in mentem veniret labori hujusc generis vires meas, quarum praeterea tenuitatem exiguitatemque optime equidem perspexeram, subducere, nisi forte fortuna et invita, ut dicunt, Minerva ad specimen inaugurale anatomiam pathologicam spectans componendum compulsa fuisse.

Fuit mihi primum in animo, hepatitis chronicae a me observatae historiam exponere, annexa cadaveris investigatione. Quod quum tamen solum

per se neque thesin satis luculentam praeberet, neque ejusmodi esset, ut dignum censeretur suffragium amplissimi Medicorum ordinis ferre, dijudicacionem addere volui, in qua uberior de natura et indole desorganisationis necroscopia patefactae mentio injiceretur. Quanta qualiscunque vero in distinguendis morbis organicis in genere et speciatim iis bilis organi, quod me in primis attinet argumentum, ad nostra hucusque tempora lis sub judice sit, neminem certe rei gnarum fugere potest. Tum demum ego tale quid rei subesse perspexi, quum magna voluminorum copia ad umbilicum usque pervoluta et loco certitudinis, quam enixe desiderabam atque quaerebam, confusione dubitationeque inventis, jam in eo essem, ut male mihi consulturus commodis meis viderer, si diutius adhuc tempora mea commorarer; quum itaque propositum derelinquere et viribus argumentum meis aptius investigare jam non amplius fas esset. Monebant me o-

mnia, ut non diu haererem in seligenda materia, sed ut potius eadem via, qua coeperam, pergerem, licet mihi persuasissimum esset, susceptum onus nunc ingenii mei mediocritatem penitus excedere et experientia, filo Ariadneo tanquam, carentem, ex ambagibus et caligine, quibus me impegeram, me vix expediturum esse. Quanta est enim morborum organicorum multitudo, quanta eorum inter se similitudo ac discrepantia! Quam dubia adhuc et parum stabilita fruimur circa naturam et indolem eorum notione! Quid inflammatio sit? quid eam producat? vel jure quaeritur.

Non desiderantur sane numerosa et annosa quidem et spatiosa volumina, quibus multa variaque extispicia et quae, reseratis cadaveribus, perspecta fuere, prohibentur. Quantum vero iis inest obscuritatis, inconcinnitatis vel erroris!

Insudaverunt depravatae organorum structurae oculatissimi viri, Bone-

tus, Morgagni, Lieutaud, Schenk, Felix Plater, Van Swieten, Störck, Stoll, Voigtel aliique complures. Quorum alii tamen curae praeципue habuere, ut numerosissimas, tum proprias, tum ex aliorum penu de promitas observatio- nes circa corporis nostri partium lae- siones exhiberent, nullo prorsus re- spectu symptomatum earum, caussarum et effectuum habito; alii vero, vel melioris notae, quamquam vitiis recen- sitis animum advertissent, eo pacto tam- men a vero deflexerunt, quod notione penitioris organorum strūcturae peni- tus fere carentes, vitia organica toto coelo inter se similem discrepantia iisdemque caassis adscriperint, unaque composuerint. Quo factum est, ut anatomia pathologica longo temporis tractu nulla plane incrementa coepisset mor- borumque organicorum numerus perexi- guus sit habitus. Dum vero recentioribus temporibus studio et opera claris- simorum virorum, uti Hunter, Bichat, Meckel, Béclard, Heusinger et aliorum

partium organismi simplicium proprietates tum physicae, tum dynamicae magis magisque innotuerunt, doctrina nostra aliam prorsus faciem induit, mendis tamen non expers. Diversam affectionum indolem, quod antiquiorum sagacitatem fugerat, rite perscientes, jure quidem majorem, quam hucusque factum erat, morborum diversitatem statuerunt; signis vero, quibus ad discrimina ista rite exsequenda opus esset, non bene stabilitis et perscrutatis, nonnulli in vitium contrariae indolis inciderunt, numerum morborum organicorum ultra necessitatē augentes. A qua culpa sibi non praecaverunt ex mea sententia Abernethy, Burns, Hey, Wardrop, Maunoir, Laennec aliique. Etenim quis dubitaret indolem naturalis morborum ex sola organicae structurae alienatione perspici nequam posse, sed ad hunc scopum etiam tum symptomatum seriem caussarumque enucleationem, tum legum, juxta quas corpus organicum vel pars ejus

ordiatur, crescat, mutationes tam diversas subeat nec non partes sibi demandatas absolvat, accuratam notionem, necessarias esse? At quisnam inficias ire vellet haec ex magna parte, ne dicam omnia, nos paene latere? Quantum lucis affulget itaque nobis, ne per longam annorum scriem adhuc densis tenebris pessimum daremur, quotiescumque morborum intimam naturam seu, quod idem valet, naturae penetralia adtentis oculis adspicere licebit! Nostri aevi homines caliginem istam omnibus viribus dispellere conantur. Qua in re chemicam corporum analysin per humum repere, non parvi aestimandum censeo. — Quibus omnibus sit, ut calcatus quidem ad studium anatomiae pathologicae trames sit, at non tam tritus, ut vulgo creditur, et admodum tenebricosus.

Qualescumque et quantos demum fructus e lucubrationibus meis voluminumque parvulatione colligere potuerim, nihilominus mihi spes assulsa me

moribus academicis usu legibusque sancitis esse forte satisfacturum, si illos depromerem examinique humanissimorum doctissimorumque virorum submitterem. Nam persuasum mihi habeo non tam ad eum finem dissertationes inaugurales conscribi, ut argumentum aliquod omnibus numeris et stupenda cum industria absolvatur ac doctrina nostra emolumentum inde capiat, quam ut potius eluceat ex iis de doctrinae axiomatibus judicium nostrum, vel quid praestare polliceamur in exercenda ad lectos aegrorum medicina, cuius praestantiae certe nihil equiparandum est quaeque jure a deo inventa esse dicitur. Quae si veritati minus consona essent, non liceret mihi quoque insudare huic opellac, nam

„Non cuivis homini contingit adire Corinthum.“

Nihil me igitur praestare potuisse, vixdum derelictis subselliis academicis, quod nostrae artis vel utilitatem augebat, vel dignitatem promoveret, ne mi-

rum videatur, quum vel eos, qui aetatem suam ad aegrotorum lectulos vel chartis impalescentes contriverant, non semper simile gaudium percepisse constet.

Quare ad propositum veniam et exponam his pagellis ea, quae circa organorum indurationem inflammacione productam aliosque cum illa confundendos morbos a me collata vel cogitata sunt, praemissa morbi succinta enarratione, qui huicce ansam praebuit perscrutacioni.

Antequam vero hoc fiat, non possum, quin voluminum supellectilem, qua in scripturam hanc ad umbilicum perducendo usus sum, enumeream, licet me minime fugiat, quantum illa locupletari debuisset et quibus scriptis non sine magno detimento caruissem. Fors benevolus lector tum minus offenderetur, quibus haec pullulat dissertatio maculis, et facilius mihi ignosceret audenti

„Magna modis tenuare parvis.“

— XIV —

- Fel. Plater, Obs. Libb. 3. Ed. 3. Basileae 1580.
Adj. obs. select. mant. op. et studio Franc. Plater.
- Bianchi, hist. hepatica. Ed. 3. Genevæ 1725.
- Bonet, Sepulch. ed. alt. cur. Maneto. T. II. III. Lugd. 1700.
- Friedr. Hoffmann, Op. omn. Suppl. 2. P. 2. Genevæ 1753.
- Morgagni, De sed. et. causs. morb. anat. indag. Libb. 3. 4. 5. Lugd. 1767.
- Lieutaud, Hist. anat.-med. cur. Portal. T. 1. Paris 1767.
- Sandifort, Obs. anat.-path. Libb. 3. 4. Lugd. 1779. 1781.
- Ej. Exercit. acad. Libb. 1. 2. Lugd. 1783—75.
- Störck et Collin, Annus med. 1. 2. 3. Lugd. 1761. 64.
- Van Swieten, Comment. in Boerh. Aphor. Ed. 2. T. 4. Lugd. 1710.
- Stoll, Ratio medendi. T. 1—7. Vien. 1794.
- Voigtel, Handbuch der pathol. Anat. Band 3. Halle 1805.
- Meckel, Handbuch der pathol. Anat. Band 2. Abthl. 2. Lpz. 1818.
- Baillie, Anat. des krankh. Baues etc. A. d. Engl. m. Anm. von Soemmering und Anh. 2te Auf. Berlin 1820.
- Otto path. Anatomie.
- Lobstein, Traité d'Anat. path. T. 1. Par. 1829.

— XV —

- Andral, Préc. d'Anat. path. T. 1. 3. Par. 1829.
- Ej. Cl. méd. ed. 2. T. 2. 4. Par. 1831.
- Krukenberg, Jahrbuch der ambul. Kl. z. Halle. Bd. 2. Halle 1824.
- Portal, Cours d'Anat. méd. in Samml. auserl. Abh. Bd. 23. St. 1. Lpz. 106.
- Ej. Von den Khtn. d. Leber. ib. 8. 1. — 1810.
— Mém. de l'Acad. d. Sc. 1777.
- Bayle, Ueber d. weiss. Verhärt. d. Organe. ib. 24. — Journ. d. Méd. Vol. 9. An. 13.
- Abernethy, Surg. obs. cont. a class. of tum. etc. Lond. 1804. — ib. 22.
- Laennec, de l'Auscult. médiate. Tom. 1. Ed. 3. Paris 1831.
- Ph. v. Walther, Ueber Verhärt., Skirrh., hart. u. weich. Krebs, Medullarsc., Blutschw., Telang. und Anevr. per anastom. Journ. d. Chir. und Augenhkd. von Gräfe und Ph. v. Walther. Bd. 5. H. 2. 4.
- Gendrin, Hist. anat. des infl. Par. et Montp. 1826.
- Thomson, Ueber Entz. A. d. E. v. Krukenberg. Bd. 1. Halle 1820.
- Bartels, Path. Unters. Bd. 1. Marb. 1812.
- Bichat, Anat. gén.
- Béclard, El. d'Anat. gén. Par. 1823.
- Ej. Add. à l'Anat. gén. de Bichat. Par. 1821.
- Broussais, Ex. des doctr. méd. T. 1. Par. 1821.
- Ej. Hist. des phlegm. chron.

Schröder van der Kolk, Obs. anat.-patholog. et
pract. arg. Fosc. I. Amst. 1826.

Schönlein, Allg. u. spec. Path. u. Ther., herausg.
von einem seiner Zuhörer. Bd. 3. 1831.

Meckel, Arch. f. Physiol.

Dict. des sc. méd. Art. Tubercole, Encephaloide,
Hématode, Melanose, Cancer etc.

Révue méd.

Chelius, Hdbch. d. Ch. Bd. 2. Abth. 2. Hdibg.
u. Lpz. 1829.

Raimann, Spec. Path. u. Ther. B. 1. Wien 1831.

Berzelius, Lehrbuch der Thierchemie. Aus dem
Schw. v. Wöhler. Tübingen 1830.

Ej. Jahresbericht etc. Jahrg. 9. A. d. Schwed.
von Wöhler. Tüb. 1830.

Ej. id. Jahrg. 12.— 1833.

Morbis historia.

Etenim apud omnes eximioris notae me-
dicos in confessu manet, sola exentera-
tione cadaverum morbo peremptorum,
promoveri posse artem medicam.

Lieutaud.
Elle (l'anatomie morbide) est à la pathé-
logie, ce que l'anatomie ordinaire est à
la physiologie. *Béclard.*

Andreas Marcus, quadraginta tres annos natus,
validus corpore, temperamento phlegmatico-cho-
lerico insignitus, semper, ut edixit, sobrius, qui
olim inter cohortes Rossici Imperii stipendia pro-
meruit, die 8. m. Febr. a. 1834 ad nosocomium
academicum delatus est.

Historiam morbi et vitae anteaetiae referens non semper sibi constituit. Narrationibus collatis haec ad veritatem proxime accedere visa sunt.

Toto juventutis militiaeque tempore sanissimus, duos annos ante quam clinicum adiit, a febre intermittente correptus erat, qua brevi devicta, nosocomium, in quo decubuit, in integrum restitutus reliquit. Praesens morbus ante tres menses incepit, quum per lucam iter in tenebris faciens, humi procumbens latus corporis dextrum truncu afflixisset. Mox dolore vivo in latere dextro pectoris, verisimiliter etiam in regione hepatis correptus est, quom tamen venae sectione instituta leniit. Nihilominus dolor mitior in hepatis regione restitit a decubitu in latere dextro auctus. Accessit tunc ante sex fere hebdomas lassitudinis dedolationisque sensus peracto quodam labore vel post pastum, epigastrio denique et cruribus intumescentibus.

Ilo die, quo in clinicum receptus est, ascites tum fluctuatione abdominis, tum ejus mole manifeste sese prodidit, epigastrio tamen tympanitico et cruribus aqua intercute scatentibus. Hepar mole auctum, costas spurias non parum excedens, durissimum, exasperatum tangebatur; ab attactu dolebat parum. In pectore nullius affectionis sedes erui poterat. Viribus gaudebat adhuc parum labefactatis; neque pars corporis superior, ut in hydrope consummato accidit, praeter modum emaciata erat. Lingua praeter ea praebuit albescentem, faciem turgidulam genis rubescentibus. Cibum appetiebat; sitiiebat tamen praeter consuetudinem. Pulsus tangeban-

tur frequentes, non duri. De modico capitio dolore conquerebatur. Cutis, ubi aqua non irrigabatur, arida ac sicca inventa est. Ad vesperam alvum depositum argillaceam. Urinae fuscæ, jumentosæ non parva copia secessit.

Solutionis tart. tart. $\frac{3}{2}$ c. extr. tarax. $\frac{3}{2}$ et tart. emet. grj. in aq. simpl. $\frac{3}{2}$ vj. omni bithorio cochlear sumendum praescribitur. Regioni hepatis illinitur ugtm. ex ugt. neap., lin. vol. et sap. med. aequalibus partibus paratum.

Die 10. Idem status. Remedia continuantur.

Die 12. Nihil melius. Sensus tensionis in abdomen increscit. Mixturae supra commemoratae extr. bellad. grj. adduntur.

Die 14. Abdominis volumen auctum est. Alvis raro deponitur. Urina et pulsus ut antea. — Hb. digit. purp. bis de die grj. propinatur. Mixtura continuatur.

Die 17. Gingivatum intumescentia atque dolor. Ugtm. seponitur.

Die 21. Abdomen passim dolet magisque in dies augetur. — Medicamenta resolventia in infuso gr. x hb. digit. purp. solvuntur, omisso extr. belladouiae. — Acid. borus. gtt. ij. bis de die.

Die 23. Urina patica. Alvis tardior. — Hb. dig. purp. hydrargr. mutiat. mit. jungitur. Porriguntur utriusque grana duo spatio nycthemeri. Acidum borussicum in duplo sumit.

Die 26. Alvis piltacea, intensioris coloris. Urina magis abundat. Procul autem aberat, ut

abdomen propterea concideret, imo evidentiora incrementa cepit. Scrotum simul aqua scatere, crura magis tumere incepérant. — Connubium Merc. et dig. praescribitur, utriusque ad grj β bis de die aucta dosi. Acidì borussici propinuantur gtt. v. bis de die.

Die 28. Pulsibus non frequentibus, pulveribus squilla, dosi grj β , adjicitur.

Die 3. Mart. Glandulis salivalibus aliisque oris partibus a Mercurio affectis squilla (gr. vj — viij quotid.) c. tremor. tart. et pulv. rad. zingib. praetereaque acid. bor. usurpanuntur.

Die 5. Tumor abdominis increscit. Scrotum turgidum. Alvi urinaeque excretiones tardae. Pil. ex sq. et chel. extr., sap. stib., asa foet., gi. ammon. et rad. rhei; quas autem propter dolorem colicum mox obortum paulo post seponere oportuit. Acidum bor. continuatur.

Die 7. Virium labefactatio semper manifestior fit. Lingua arescit. Corpus superne emaciatur. Arteriae infirmae celeriter (octogies sexies per sexagesimam horae partem) micant. Femora tument. Scrotum aqua vehementer abundat. Alvus tardissima est, urina rarissima. — Camph. (grjv) in emuls. (Zvj) porrigitur. Vinum. Linim. ex ol. hyosc., terebinth. et camph. abdomini illinitur. Acid. bor. mittitur.

Die 8. Decoctum bacc. junip. pro potu praebetur.

Die 11. Excretiones exarescunt. In urina sedimentum roseum secedit. Adynamiae signa

manifestiora. — Decocto fol. uvae ursi rad. angel. infus. nec non spir. nitr. dulc. adduntur. Liniment. continuatur.

Die 13. Meliora passim. Pulsus consistunt. Pulverem ex camph. et chin. sulph. aa grj. bis de die sumit. Mixtura continuatur.

Die 17. Membrorum inferiornum summus tumor. Aegrotus vix mingere potest propter scroti praeputiique tumorem.

Die 19. Aquarium copia augetur. Urinae excretio penitus fere languet. Pulveribus squilla additur. Decoct. continuatur.

Die 20. In regione hepatis fonticulus appetitur.

Die 26. Omnia in pejus ruunt. Pulverum loco tinct. digit. c. liq. c. c. s.

Die 28. Abdomen tensissimum illinitur spiritu terebinth. et juniperi.

Die 31. In crure sinistro maculae live-scentes apparent. — Ib. ballotae lanat. decoctio cum spiritu nitri dulci.

Die 5 Aprilis. Morti jam propinquus nihil appetit, medicamina respuit. Eacies hippocratica. Febricula ad vesperam cum pulsibus exiguis, celerrimis. Decubitus in osse sacro.

Die 11 Aprilis mors subsequuta est.

Necroscopia. Artuum superiorum atque thoracis summa extenuatio, abdominis autem et artuum inferiorum ingens tumor. Summa, limbis quasi circumscripta et tympanitica inflatio regionis epigastricae. Livor in regione pubis,

crurum, circa scapulas. Surae sinistrae imposita vesica setum limpidum continebat.

Abdominis cavum aquarum copia pondus libr. 28 excedente, loturae carnium similium erat repletum. Viscera chylopoetica summis abdominis regionibus ingesta, passim subcana inspiciebantur. Dextra coli transversi extremitas hepatis, curvatura autem sigmoidea partibus adjacentibus junctae erant. Peritonaeum nihil praeter normam exhibuit. Omeni magni rete vasculorum exhibentes, omni adipe deleta, non nisi tenuissimae lamellae restabant. Mesenterium et mesocolon paullulum incrassata et cum virore flava erant.

Ventriculus extrinsecus normalis magna copia laticis fusci atque aere repletus, in intima sua membrana maculas ostendebat roseas non tam frequentes. In intestinis inflammationis nulla fere vestigia inventa sunt, nisi excipires vasa sanguisera ilei passim plus justo prominentia et quamdam coli rubedinem. Intestini coeci membrana intima erat coloris subcani.

Hepar durum, ponderosissimum, volumine valde auctum, marginem costarum magnopere excedebat. Erat ab exterioribus spectatum, ludi fere coloris ob tubera innumera lutescentia e substantia ejus fusca prominentia. Peritonaei pars, quae hepar obducere solet, justo crassior reperiebatur. Quod ad substantiam ejus attinet, hepar constabat e massa badii coloris, modo prorsus liquida, modo pulvi quasi consimili et e tuberibus luteis, laevibus, solitariis, omni involucro carentibus, massae illi prioris

notae in magna copia at raris in locis inhaerentibus. Tubera haec pisi vel nucis avellanae magnitudinem aequabant substantiamque representabant lardi instar homogeneam. Nulla vasa nec circum tubera neque in illa massa pultacea animadverteri poterant. Nec tamen per totum hepar haec texturae alienatio pari modo progre diebatur, ita ut in dextro lobo nulla prorsus genuinae compagis vestigia animadverterentur, dum lobus sinister neque quoad volumen neque quoad texuram statum naturalem admodum immutaverat, nisi quod etiam hic tubera illa lardacea non desiderabantur. Animadvertendum etiam, superficiem hepatis convexam maculis extuberantibus luteis asperiorem concava fuisse; in qua posteriori tuber singulare magnitudine nucis juglandis regiae inventum est. — Vesicula fellea colluvie atra turgens nil ostendit, quod naturae alienum esset. Ductus cysticus, hepaticus et qui ex utroque emergit choledochus per vii visi sunt neque ullum vitium indicabant.

Lien praeter involucrum telae cellulosae, quod crassius, quam par esset, repertum est, omnia cetera ad naturam exhibuit.

Pancreatis in majorem molem redacti acini massam efformabant albicanter, densam, textu celluloso, qui spatium inter acinos explere solet, dèleto. Ductus Wirsungianus justo amplior reperiebatur, ceterum naturalis.

In rene sinistri latèris una pyramidarum Malpighii transformationem in massam albidam, adipis ad instar, translucentem fere, perpessa erat; qui ren etiam durior et major erat, quam

ille dextri lateris, qui praeterea sanissimus offendebatur.

In aperiendo thorace aér ex cavo ejus cum strepitu quodam prosiluit. Utriusque pulmonis lobi tum invicem, tum pleuris costalibus, membranarum spuriarum ope passim juncti erant; ceterum sani, nisi hoc solum excipias, quod dextri pulmonis pars, qua diaphragmati superimponitur, compressa nullum strepitum ediderit, et ex ea, scalpello tentata, copiosus quidem, nec tamen spumosus sanguis prosiluerit. Cavum pleurae dextrum latice seroso ponderis unciarum duarum, laevum unciarum quinque erat repletum. Pericardium et cor cum vasorum exordio sanissima. Primum uncias duas sémis aquarum in se continebat.

Rite cranií cavum ex plenis encephali massa justo paululum mollior esse videbatur. In sini- bus lateralibus repertae erant aliquot seri lim- pidi guttulae,

D i j u d i c a t i o .

Animadversum est enim saepius, quae praecipua et ferme propria crederentur, reipsa non esse, cum sine ipsis eadem intus laesiones repertae sint, quas designare illa putabantur, aut cum longe aliis laesionibus signa eadem.

Morigagni.

§ 1.

Omnibus, quae ad dilucidandam et enucleandam hepatis modo propositae affectionis na-

turam atque indolem proficere valeant, bene perspectis, jam primo aspectu sententia, istam hepaticam affectionem inflammatoria esse originis fortasse cuique maxime arridebit. Nam priu- quam pede offenso latus dextrum trunco illidet, aegrotus noster nunquam valetudinarius fuit, excepta illa febre intermittente; neque unquam de quadam ad hepatis regionem doloris perceptione conquestus est. Dolor hepatis la- psus potius consecutus est, vena statim secta ta- men remittens. Inde exorta sunt attactus veh- mentioris in hypochondriis dextris impatiens, tumor, inconsuetus reuensis, inaequalitas; cibo- rum mala concoctio, alvus tarda; quibus si ad- ficiam adhuc quae post mortem detecta sunt, peritonaei nempe hepar obvestientis praeternat- uralem crassitiem, adglutinationem hepatis cum organis vicinis membranarum spuriarum ope et denique maculas roseas hic inde in ventriculo et duodeno intestino repertas, omnia in pro- patulo esse videntur, quae hepatis inflammationis plus minus longioris indicio esse soleant.

§ 2.

Quum vero et in aliis morbis hepatis organi- cis, quos nulla inflammatio peperat ex parte similia occurrant, operae pretium esse videatur similitudinem istam accuratius adumbrare, signis gentilitiis morborum singulorum in medium pro- latis. Sunt enim eorum complures, qui commu- nes habent partis, in qua nidulantur, maiorem minoremve duritatem, intumescentiam vel parvi- tatem, structurae mistionisque genuinae deprava- tionem, inde munus sibi impositum rite ex-

sequendi facultatem turbatam; quo fit, ut olim, quin nostris temporibus, innocua ut sic dicam et remediis aptis facile cedens induratio cum carcinomate, tuberculis et aliis morbis semper fere exitiosissimis confunderetur. Tumores, phymata, adpellabantur et quoad renisum, quem digito prementi opponebant vel simplices, sine ulla scilicet duritie, ὄγης ἀνεπικρίσιμη, vel scirrhosi, si ubique lapidis duritiem prae se ferebant, vel tuberosi seu tuberculosi, si insolita duritiae passim reperiebantur et arcte circumscripta erat. (Bonet., Raimann).

§ 3.

Quamnam lacunam in arte medica et quodnam detrimentum aegrotantibus ex tali confusione exoriri necesse sit, facile quisquis perspiciet. Hic certe praestantia rei anatomicae, dum organorum intimam fabricam non solum ad consuetas naturae leges cedentem, sed morbis variis viatiatam atque perturbatam scrutatur, elucet et nemo inficias ibit anatomiam pathologicam cum grano salis circumspecteque ad lectios aegrorum usurpatam in distinguendis et curandis morbis persaepe fundamentum et moderamen sistere. Cynosuram eam dicit cel. Lieutaud, cuius ope declinari soleant scopuli e procelloso praxeos pelago emergentes. Mirando itaque minime subit non latuisse illius eximiam dignitatem praestantiamque oculatissimos medicae artis cultores ac promotores vel a priscis inde temporibus illam excolere sedulo tentatum fuisse, etiamsi non semper, ut jam commemoratum est, res prospere succedebat.

§ 4.

Ad nostrum propositum tantummodo eam viatiatam hepatis fabricam perlustrata pertinet, quae fortasse ad observationem modo narratam referri posse videatur; quo spectant carcinomatatis variae species, tubercula et vitia ex hypertrophia oriunda, omissis aliis hepatis morbis organicis, qui non facile de casus commemorati natura dubitationi ansam praebere possent, praemissa vero texturae organicae alienatione in genere, quae ex inflammatione pullulat, quo melius morborum discrepantia eluceat et res ad veritatis evidentiam adducatur.

I. Induratio inflammatoria.

Medici autem vel summi fatentur, vix tres aut quatuor ex omnibus esse morbos, qui suum habeant signum pathognomonicum, ita videlicet proprium, ut ab aliis cunctis distinguat; caeteros autem non nisi per conjuncta plura signa internosci, propterea quia fere non ex simplici sunt causa et quae unam tantummodo partem afficiat.

Morgagni.

§ 5.

Non dubitarem, me proposito meo satis esse facturum, si posthabitis omnibus, quae de inflammatione in genere dici potuissent, in induratione, inflammationis sobole, consisterem, nisi contrariae, in quas de indole et signis inflammationis propriis autores non raro distrahuuntur

sententiae, suspicionem mihi moverent procul abesse, ut res absoluta sit, licet palam ante omnium oculos veretur. Quod quum multum mea intersit, rem altius repetere cogor.

§ 6.

Id quod inflammationem nuncupant vitalitatem organi cuiusdam a regula aberrantem esse, vel eo facile patet, quod et vires et materies alienationes certas ostendunt, vel ut aliis dicam, in parte inflammatione laborante et dynamicus et organicus morbus insimul nidulatur. Vita organica vi et materia constat. Nervorum ope producitur et absolvitur. Alterum sistema dynamicae organi parti praeest, alterum materiali.

§ 7.

Inflammatio in limine morbus est mere localis. Incipit incitatione, ad quam producendum requiritur, ut stimuli, quibus vita carere non potest majori minorive cum impetu corpus organicum vel ejus singulas partes adeant. Omnia vero, quae incitationem producunt, nervos adeant necesse est; nam nervorum ope corpus nostrum cum universa natura commercio utitur, simulque qualiscunque ejus pars cum alreta. Jam sola stimolorum inflammationem producentium enumeratio hoc testatur. Valent etenim inflammationem producere aëris temperies quaedam, quam magna electricitatis vi pollere, non est de quo dubitemus, subita caloris et frigoris vicissitudo aut gradus extremi, animi pathemata, lux, sonus, nimis intensa, contagia. Adeo experientia evincitur stimulus, quos a primo in-

tuitu virium ad instar mechanicarum vim suam in organismum exserere diceres, non minus nervorum ope inflammationes ciere. Fasciculo ex quo nervus intercostalis et pneumogastricus emergunt alkali admoto, inflammatione in partibus, quibus isti nervi provident exora est, quum carotis impune eodem pacto stimulabatur. (Everard Home, Thomson). Membrana ranarum natalitoria incassum opio vellicabatur; nulla inflammatione produci potuit; quae attamen, simul ac ammoniacum sal vel culinare adhibita fuere in propatulo fuit (Thomson), certum argumentum, nervorum, qui vel minutissimas arterias concomitari solent, vi opio infracta, inflammationem excitari non posse; eo praeterea fultum, quod exhibitis opio vel acido borussico inflammaciones non raro sedantur vel iis praecavetur (Hecker, Rasori, Tomassini). Accedit, quod homines temperamento cholericico vel sanguineo gaudentes præ ceteris inflammationi faveant; alterum aequilibrem virium temperiem, alterum sensibilitatis præalentiam indicat. Nec minus experimenta a Kriener et Schröder van der Kolk instituta probant, quantum nervi vel ad producendum vel ad sustentandam inflammationem valeant. Nervis nimirum sectis nulla inflammatione in parte, cujus actiones moderantur, excitari potuit; prius jam excitata vero statim constituit.

§ 8.

Symptomata inflammationis exordium indicantia nervos primas agere etiam demonstrant. Pars affecta tumet, dolet stimulorumque fit impatiens, quos antea fere non percipiebat (tendi-

nes, membranae fibrösae, serosae); calēt, minus tamen thermometro, quam sensu interno teste, quocum optime convenit, quod feminae hysteria vexatae vel aegroti febre nervosa laborantes comburi sese clamitent, nullis aliis signis inflammationem arguentibus. Clarissimo Meckel sententia est calorem in parte inflammata illum, quo internae nostri corporis partes gaudere consuerunt vix exuberare; hydrargyrum etenim in scala parti inflammatae admota 1 — 6 gradus tantummodo ascendit, auctoribus Hunter, Home, Scudamore, Goupl.

§ 9.

Mox vero alia signa vitalitatem omni respectu exaltatam produnt. Sanguis majori cum impetu in parte affecta circumagit. Vasa, quae ob minutum lumen omnes sanguinis partes vehendo imparia erant, dilatantur (Hunter, Thomson) et scacent humore hoc, cuius praeter ea vitalitas augetur. Abundat nimirum fibrina. E vena missus ubertatem hujus crusta sic dicta inflammatoria, majore placenta densitate et iniori seri copia testatur. Eodem tempore secretiones, quibus pars inflammata fungitur, vegetiores fiunt, (v. c. hydrocephalus etc.), et liquorē secreti limpiditatem plus minus amittunt. Pars affecta majorem nunc sanguinis copiam, ac solet, fovere turget, rubet, volumine et pondere suo augetur majoremque renisum adipiscitur. Materia nutritioni partis inserviens in majori copia advehitur ac seponitur, ita ut non amplius sibi sufficiat ad lympham plasticam, qua obruiatur, in naturam suam convertendam. Densitas

et volumen magis magisque inde augentur. Sanguis lentius circumagit; stagnat denique et obturat vasa, quae ei antea receptaculo erant. Quibus quin textura organorum sensim sensim que vitiat, secretionis officium ex illa pendens detrimentum caput. Languet vel penitus sistit.

§ 10.

Si contingit partes inflammatione ad hunc gradum provectione laborantes et in primis eas, quae parenchymatosae audiunt, subjecere cultro anatomico, tunc observamus haec: Pars justo majori rubidine gaudet, vel protracto aquae influxui non cedente; vasa sanguifera, tum minima, per via magisque hiulca sunt, ita ut materiei non admodum tenaci per arterias injectae facilissime transitus per vasa capillaria in venas pateat et vice versa; volumen et pondus aucta inveniuntur, quia ubicunque inflammatio viguit, pars lympha vel mero sanguine scatet, quo etiam sit, ut compages genuina plus minusve laeqatur, partis aucta densitas majori friabilitati jungatur, singularis particulis nimirum exsudatis sanguine vel lympha a se invicem remotis.

§ 11.

Non raro processus inflammatorius a parte, in quam stimuli vim suam exseruerunt, latius in partes alias, quin in totum organismum propagatur. Propagatio ista eam legem sequi videtur, ut partes vicinae tantummodo, qualisunque demum naturae ac structurae sint; inflammationem participant, non vero solum illae, inter quas et affectam partem sympathia quae-

dam viget; licet metastases minime cum ista inflammationis propagatione confundendae, hic non tantum non desiderentur, sed e contra frequentissimae sint. Alio omnino modo res cum metastasibus sese habet. Affectione primaria conticente exoritur secundaria. Per partium contiguitatem itaque propagatur inflammatio non per sympathiam (contra Broussais). Totus organismus vero eo pacto plus minusve detrimenti ex inflammatione capere potest, quo magis minusve inflammatio vel admodum vegeta est, vel late propagata, vel denique partem obsidet, cui primae in oeconomia animali demandatae sunt. Febris incenditur, affectionis localis tamquam imago, cuius indoles virium temperiem indicat et olim immerito ad designandam inflammationis naturam usurpabatur, quum de asthenicis inflammationibus loqueretur, quasi res toto coelo dispares impune conjungi possent.

§ 12.

Inflammatio mortem partis laesae vel totius organismi pedissequam habere potest, utraque vitalitate exhausta nervorumque labe producta. Gangraenam etenim sanguinis stagnantis putrefactione (Gendrin, Andral) gigni vel inde veritati inconsonum videtur, quod neutiquam ad hunc finem vegeta requiratur inflammatio et auctoribus Vering, Langenbeck aliisque notum sit, quid valeat animi repentina commotio ad inflammationi optimae indolis pessimum exitum conciliandum.

§ 13.

Tantum vero abest, ut inflammatio semper hoc modo absolvatur, ut potius non raro viribus aegroti virescentibus vel medela rite adhibita sedetur vel penitus tollatur nulla sui vestigia relinquens. Quod vario modo perficiuntur. Turbis et orgasmo consistentibus, vires sibi sufficient ad materiam plasticam nimia copia nunc accumulatam, usitata via modo elaborandam, modo in communem rivulum deducendam, quae quo melius succedant, a natura provisum est, ut aequilibrium in partium functione inflammatione plus minusve sublatum, nunc alia quancunque secretione vegetiore facta, criticam illam dicunt, restituatur.

§ 14.

Si vero lympha exsudata neque consumi consulto more, neque resorberi potest, forte ob nimiam ejus copiam vel quia vires orgasmō nondum sedato impeditae sunt, natura aliam viam eligit interdum, qua etiā non semper recta organorum structura in pristinum restitueretur. Materia exuberans in idoneam formam conversa vel sublata organi continuitate, vel secretionis via, qua organon fungi solet, foras protruditur, quod suppurationem vel puris formationem discunt. Quo fit, ut maxima sit puris cum muco dicto puriformi et in primis cum lymphā coagulabili similitudo; utraque materia mixta est e fibrina, albumine, muco, aqua et salibus quibusdam ($\text{ChNa. NaO. PO}_4^{2-} + \text{CaO}$). Vid.

Berzelius, Gendrin), quin alii ferrum in purese invenisse credunt (Cruikshank, Salmuth) aliique se oculis sanguinis in pus transformationem persecutos fuisse (Gendrin): ut pus, exceptis nonnullis modificationibus ubique locorum ejusdem sit indolis (in podagrīcīs v. g. salibus abundat, Gendrin): ut denique suppurationem semper antecedat granulationum formationi, quae nil nisi lympha plastica magis elaborata esse videatur; nam ubivis ejusdem indolis sunt, vel in membranis, musculis vel in ossibus formentur, nulla structura gaudent ab initio, si stant e contra massam aequalem, quae pendentim vasis perpetrat et structuram organorum simulat, in quibus invenitur. Organā nimia materiae plasticae et quidem rūdis copia obruta nutritioni suae providere non posse videntur. Simulac vero quod nimium ac impedimento est, qualicunque demum modo sublatum fuerit, vires sese explicant, pristinum vigorem adipiscuntur et omnia consueto more succedunt. Quam ob rem in abscessu nondum aperto, licet jam diu formatu sit, nullae granulationes inveniendae sunt (Hunter ap. Meckel) et partium generatio, in pristinum restitutio vel vulnerum coalitio languet languente suppuratione. Quid inde unguenta, emplastra stimulantia et alia hujus generis valeant ad promovendam regenerationem et ceter. jam per se liquet. Idem, at omnino contrario modo efficiunt remedia emollientia, relaxantia, sedantia, virium nimium vigorem infringendo (Bichat.)

§ 15.

Suppurationem in aliqua parte exoriri, quin ulla inflammațio in eadem praegressa fuerit, non in dubium vocari potest. Oportet attamen istam partem vices alterius suscepisse, in qua inflammatio viguerit, qua cum consensu quodam gaudeat. Quod videre est in puris in hepate formatione, quae encephalitidem subsecuta est. Suppurationem vero primarie et nulla sympathia sollicitatam locum habere posse jure equidem dubitandum est, eiiamsi huic opinioni facient Andral aliquie.

§ 16.

Reductis quae jam dicta sunt in memoriam, fugere nos non potest, ut structura organorum foedata in integrum restituatur, duplex quiddam requiri, materiam primum organicam, cui facultas insit majorem dignitatem suscipendi, tum istum virium vitalium modum ac temperiem, ut materiae illius metamorphosis juxta leges a natura sancitas et ad summum exemplarite fieri queat. Ex quo iterum patet structuram organorum semel labefactatam duplice de causa integritate sua destitutam esse posse. In morbo tuberculoso, in scirro, in fungo medullari cet. scilicet materies, in inflammatoribus vires culpam sustinent.

§ 17.

Posteriorius dictum accidit in primis, quum inflammatio lento passu incedit. Succus nutritius

in partem inflammatam effusus liquidus adhuc, vel sero, sanguine mixtus, tumorem efficit mollem parum renitentem; coagulatus vero singulas organi particulas obturat, agglutinat invicem, tumesfacit, ita ut volumine et pondere auctis, nec non genuina structura funditus eversa, prosteratur partis nutritio atque ex hac, tamquam ex cardine, pendens muneris sibi impositi obsequendi potestas. Ob nutritionem suspensam non raro fit, ut organon laesum in minorem molem contrahatur. Si primas seu graves agit, tum non diu abesse potest, quin functionis suae interruptio in ceteras partes redundet, quibus praeterea nec eo minus detrimentum inferit, quod partes vel vasa vicina premat, lassessat, distorqueat, sanguinis circuitum et resorptionis officium impedit. Hinc ista morborum cohors, cacochymiae variae species, hydrops etc. quorum finis mors. Haec sunt quae indurationem, inflammatoriam quam dicunt, denotant.

§ 18.

Ne aliae ejus non minoris momenti proprietates omittantur, adjiciam lympham plasticam ab initio esse liquidum aequale (nulli adsunt globuli Berzelius), diaphanum, cum virore flavescens; tunc pedetentim in massam coagulari mollem, viscidam, subdiaphanam, flavescentem vel grisecentem (Berzelius, Tiedemann, Gmelin), admistis adipis particulis (Barruel, Meckel); tumorem induratione productum aequaliter undique digito prementi renisum opponere, nisi excipias eum locum, quo pus forte foveatur, compressum dolere, diffusum esse, nun-

quam arcte circumscriptum, interdum admotis remedis stimulantibus, irritantibus relaxari vel penitus resolvi; partes et organa vicina ex initio plus minusve intensa rubedine suffusa esse, vasculis capillaribus, non vero venis vel arteriis amplioribus sanguine scatentibus, aliaque inflammationis signa praebere, morbi focum vero pallescere seu flavescere cum virore; puris majorem minoremve copiam ad unum punctum collectam interdum obviam fieri, vel passim dispersam per totam indurationem; denique ulceraria oriri nonnunquam in superficie partis induratae, fundo insignita aequali, plus minus pressioni renitente, rubicundo marginibusque non reflexis nec inaequalibus, atque pus, non vero ichorem fudentia.

II. Hypertrophia hepatis.

§ 19.

Hypertrophiam hepatis nuncupant utriusque vel alterutrius, ex qua constatur, substantiae exuberantiam, quo semper pondere, non raro etiam volumine auctum appetet, majorem densitatem adipiscitur inconsuetumque colorem induit, compage tamen non laesa, nisi quod differentia, quae inter utramque substantiam intercedit magis eminet, quam in statu sano. Substantia alba sola affecta, perscrissum hepar gyros et anfractus albescentes e fibrosa seu lamellosa substantia contextos praebet. Hujus anomaliae speciem cel. Laennec cirrhose (vid. ap. Andral, Cl. med. et Anat. path.) nomine insignivit, sub-

stantiam novae formationis, secretionis abnormis ope exortam esse ratus. Si substantia fusca hypertrophia laborat, hepar conflatum esse videatur massa rufa vel lurida in portiones congregatas, arcte circumscriptas et a se invicem disjunctas divisa.

§ 20.

Cujus desorganisationis signa in vivo homine conspicua in medium proferre res est admodum difficultis. Tam lento' passu etenim et tam placide incedere solet, ut ab initio nos penitus fugiat. Tantum etiam abest, ut sola per se occurrat, ut potius semper fere cum aliis hepatis vel aliorum organorum morbis conjuncta sit; ita, ut non facile dices num aliorum morborum caussa an soboles fuerit, sive num ex eodem vel alio prorsus fonte emanaverit. Haec morbi signa veritatis speciem p[re]se ferunt: Hypochondrium dextrum tensum est, neque digitii subter costas spurias adigi possunt: hepar pondere et volumine normam excedens partes vicinas lacescit, premit; inde vomitus insequitur assumpto cibo, sanguinis circuitus impeditur, respirationis officium laeditur; aphelitus, hydrops, totius corporis vel singularum partium nutritio parca; bilis depravatur, aquosa minusque tincta secernitur (Andral). Confirmatur praeterea hujus morbi diagnosis caussarum enucleatione, quae esse possunt: hepar cutis vel pulmonum vices agens; hinc coelum humidum, paludes, rhachitis, scrofulosus morbus etc. hepar magnum procreare consuerunt (Meckel, Lobstein, Glisson ap. Bonet.); metaposes (Lob-

stein); qua de caussa hepatis et lienis tumores tam saepe febres intermittentes insequuntur, licet ex communi caussa provenire possint.

§ 21.

Huc pertinet etiam morbus mere localis, semper fere congenitus, excisione sanandus, in corporis (vel organorum) superficie apparens, systematis nimurum capillaris vividior evolutio, qua vasorum intima intricatio, lienis vel corporum cavernosorum instar exoritur. Sub nomine fungi haematodis cum carcinomate confundebatur a Wardrop et Hey, Charles Bell, Breschet, Roux. Nunc ei nomen impertitum est Aneurysmatis per anastomosin (vel anastomoseos, Walther), Teleangiectasiae, tumeur érectile, splénoïde (Maunoir, Dupuytren, Chelius, Lobstein, Andral; Hématoncie, Alibert). Compresione diminuitur. Schölein eum carcinomati systematis capillaris adnumerat. Quaeritur, an in hepate proveniat?

Quod si nihil utile ad sanandum cadaveraum sectiones docerent, quae complura ad id necessaria docent, et solum qui insanabiles morbi sint patefacerent; non levem tamen, praeter verae diagnosis et praedictionis honorem, afferent utilitatem, ne aegros videlicet tot supervacuis et fortasse noxiis remediis fatigantes eorum obitum acceleraremus, sed contra levaremus symptomata, palliativa, ut vocant, curatione, morbique incrementum quoad liceret, tardaremus, nec temere pronuntiantes committeremus, ut cadaveris incisio errorem detegit nostrum.

Morgagni.

§ 22.

Tubercula et carcinoma morbi admodum dispares multis nihilominus gaudent communibus proprietatibus, quibus simul ab aliis morbis organicis, inprimis ab indurationibus distinguuntur. Adtribui vero iis possunt haec:

1) Neque a nimia lymphae visciditate, quem vasa lymphatica ipsa, tum partium organarum interstitia obturentur, neque ab acrimonia sui generis (scrofulosa, carcrosa), neque a transformatione texuum organismi normalium, neque ab inflammatione originem suam ducunt, sed

2) Producuntur textus cellulosi depravata secretione,

3) Texum cellulosum itaque pro primaria sede habent. Hinc partes vicinas aggrediuntur,

tur, illas pedetentim pro incremento suo, loco movent, coartant, earumque nutritionem et structuram denique subvertunt.

4) Varias agnoscunt evolutionis et formatio-
nis suae periodos nullis temporibus adscriptas.
Ab initio liquida, uti omne quod secrezione
nascitur, majorem paulatim densitatem acqui-
runt, incrementum capiunt, juxta certam quam-
dam legem denique liqueficiunt et foras ejiciuntur.

5) Nullam cum partibus ad normam con-
stitutis similitudinem alunt.

6) Partes in quibus nidulantur, ossibus et
cartilaginibus exceptis, duritie superant.

7) Densitatem, volumen et pondus organo-
rum augent; volumen interdum minuant.

8) In singulis organis obveniunt, vel in
pluribus, tum structura, tum munere conve-
nientibus, simul.

9) Forma gaudent plus minusve globosa.

10) Saepissime in intimis organis proveniunt.
In superficie apparere solent partibus adjacenti-
bus consumuntur.

11) Non sunt morbi locales. Praedisposi-
tionem agnoscunt, tum in corporis et animi
constitutione congenita vel acquisita, tum in
virium temperie, tum in systematis cuiusdam
praeternormali evolutione ac functione sitam.

12) Quamobrem non tam organorum labo,
in quibus in conspectum prodierunt, quam po-

tius totius organismi viribus fractis mortem inducunt. Pedissequas habent tabem, febrem hecticam. Quo sit, ut non raro durante toto decursu partes vicinae optime sese habeant, optimaque constitutae sint, etiamsi mors jam adpropinquat.

13) Potentiis irritantibus vel accidente inflammatione facilius et celerius evolvuntur; jam evoluta citissime ac magno cum impetu metamorphoses sibi praescriptas subeunt partibus vicinis, quin toto organismo magnam cladem adferentia.

14) Omnem medicinam fere respuunt. Naturae medicatricis vi potius, quam arte vincuntur. Medicina localis minoris momenti, quam interna esse consuevit.

15) In quocunque evolutionis suaे periodo consistere possunt, quin valetudo inde secunda detrimenti quid capiat. Revolutionem vero nunquam patiuntur.

III. T u b e r c u l a.

§ 23.

Morbus, quem tubercula nuncupant, corporis conditionem abnormem designat, qua fave in diversis organis massa progenatur organisationis impatiens, aequalis, duriuscula opaca, slavescens, certarum mutationum nulla accidente causa externa capax, structuram et functionem organorum, in quibus nidulatur inquinans nec raro toto organismo interitum patens.

Statuum hujus materiei tres in primis observare licet, quibus totidem morbi evolutionis stadia vel periodi adnotantur, stadium nimirum cruditalis, transitus ad mollitiem et liquefactionis.

§ 24.

Forma sub qua tubercula in primo stadio compareant non parum variare solet. Formam et magnitudinem grani milii vel cannabis simulant vel acervatim accumulata, vel rara per organa expansa. Quo sit, ut progredientibus evolutione et incremento formam globosam modo servent, modo, singulis tuberculis invicem confluentibus, plus minusve in massas coacta conspiciantur. Materiae tuberculosae forma inter tunicas canalis alimentarii exsudatae ad complanatam vel compressam vergere dicitur, quod sane argumento esset, organorum, in quibus tubercula nascuntur, conformatiōnem magni interesse ad formam iis peculiarem conciliandam. Interdum sacco membranaceo vel cartilagineo (tubercules enkystes) obvelantur, quod attamen testante cl. Meckel saepius in animalibus, quam apud hominem videre licet. Qualiscunque demum sit habitus tuberculorum, semper arctis finibus circumscripta sunt partibusque organi ipsa continentis intime adjacent ad normam constitutis, nisi excipias, cas interdum parum loco motas atque compressas esse; et nunquam tubercula tanta copia organon aliquod, vel conferia vel dispersa sint, obsident, ut nulla interposita sana particula conspiciantur.

§ 25.

Accidit attamen, ut materia tuberculosa informis sit perque spatiosem vel angustiorem tractum organa implet, tamquam in illa effusa. Quo sane compages genuina inquinatur, quin paene deletur, pondus et densitas organorum augentur. Hanc morbi speciem infiltrationem tuberculosam dicunt.

§ 26.

Bayle, Laennec et Gendrin testibus tuberculata semper ad certam quandam distantiam materia grisecente, semipellucida, tamquam halone circumdantur, quod eam ob caussam fieri dicunt, quod eo loco, ubi tuberculum se formaturum sit, primum ista materia grisea pellucida compareat, in cuius centro tuberculum genuinum evolvatur, vel ut aliis dicam, quae sensim sensimque ab interioribus exteriora versus flavescat, opaca fiat, verbo, omnia, quae genuinis tuberculis adtribuuntur, induat. Ista transformatione nondum omnibus numeris absoluta evenit, ut nullo respectu ad figuram eorum habito, tubercula halone illo subdia-phano circumcincta compareant. Hanc primam tuberculorum originem Bayle nec non Laennec granulationes miliarias (granulations miliaries) adpellant, si granorum sub forma in conspectum venit et infiltrationem tuberculosam (infiltration tuberculeuse), si majore spatio organorum substantiam implet. Cui sententiae Andral nequaquam subscribere velle videtur, contendens se rarissime istam tuberculorum conforma-

tionem observasse, quod non fieri debuisse, si revera materia ista grisea tuberculorum primordium esset, quum tam saepe contingat uno eodemque tempore non solum tuberculorum diversas formae species sed et varios evolutionis gradus in eodem organo vel corpore animadvertere atque declarans materiam hanc nil nisi lympham plasticam esse inflammatione fortuito exsudatam. Tuberculorum vero generationi inflammationem quam maxime favere neque illa in membranis pulmonum v. c. spuriis desiderari, nemo sane est, qui dubitet. Quamquam cl. Lobstein eamdem fere profitetur sententiam, quam Andral, equidem non dubito, quin res adhuc in dubio versetur.

§ 27.

In stadio cruditatis tubercula nulla incomoda aegrotantibus, excepto quodam gravitatis vel tensionis sensu circum partem affectam, ciere et ita per longius temporis spatium perdurare solent. Simulac liquefieri incipiunt, symptomata prodeunt dubia, aegrotantes misere excruciantia et vita periclitatur. Liquefiunt vero tubercula hoc modo. In medio tuberculo, interdum vero ambitum versus et passim appareat aliquid materiae cerae liquefactae, pulti vel cremori lactis consimilis, cuius copia, materia tuberculosa pari passu evanescente de die in diem augetur, donec totum tuberculum in pultem quasi caseosam commutatum sit. Pultis hujus pars resorberi videtur, alia foras protruditur, quo fit, ut tuberculorum loco cava figura plus minus regularia, sinuosa parietibusque materia pri-

mum glutinosa, tum membrana spongiosa, rubescente abscessum instar obvestitiis conspiciantur. Hujus membranae ope parietes non raro coalescent et antrum tuberculatum evanescit. Quod plus una vice et saepissime quidem in pulmonibus observatum est. Eodem tempore, quo materies tuberculosa liquefcere incipit, sanguinis uberioris affluxus aliaque inflammationis indicia circum tubercula observari solent. Quod una cum similitudine inter membranam tuberculorum cava ab interioribus obducentem et illam, quae puris formationem insequitur, probare facile videri posset, annuentibus Gendrin et Andral, tuberculorum liquefactionem inflammationibus produci, nisi extra omnis dubitationis aleam positum esset, teste Lobstein, multoties materia tuberculosa liquefcente inflammationis vel vestigia desiderari, materiam liquidam tuberculosam et pus neque physicis neque chemicis proprietatibus convenire, quum nempe altera in primis albumine, alterum fibrina constet et nisi concessa nunquam non deficiente inflammatione explicatu difficile esset, cur tubercula loco ab inflammationis foco remotissimo primum liquefiant, nullis vasis neque nervis inflammationem illuc propagantibus. Gendrin sponte am quidem tuberculorum liquefactionem adprobat ex parte, autumat vero puris circum circa formati admistione eam accelerari penitusque absolvit; quam sententiam ea de causa proficetam esse sibi persuasum habet, quod experientia edocut sit, materiam tuberculosam liquidam semper puris quamdam copiam admixtam habere.

§ 28.

Si quae dicta sunt minus vera essent jamque minus valerent ad subvertendam istam opinionem, tubercula semper iusflammationis ope liquefieri, majore certe jure quaeri posset, quomodo et quanam ratione inflammatio ista producatur, quum sane nullus ad eam provocandam certus ac sufficiens in propatulo sit stimulus? Nam ne quis mihi objiciat tubercula, uti corpora peregrina jam sibi sufficere ad excitandam inflammationem. Num hoc, quaeso, veri vel similitudinem habet? Quomodo aliiquid secreti, cuius copia, quaeque sit, non repente, sed e contra pedeteuit a minima guttala increscit, viciniis tam inimicum esse posset, ut eas irritet vel, inflammatione adficiat? Nonne potius hac sub rerum positione organa abnormi secretioni adsuescere deberent? Cur quaeso tubercula, dum cruditatis epocham nondum transilire, nullas fere valetudini secundae insidias struant, nisi quod partes, in quibus oriuntur, aggravant, atrocissima tamen omnibusque momentis mortem minantia, simulac colliquescere incepert? Nonne potius aegrotos tabe, febre heptica consumi, quam organorum inflammatione, quibus tubercula inhaerent, periclitari luce clarius est? Nihilne probaret organa tuberculorum praesentia contaminata ea in primis de causa irritationi inflammationique obnoxia esse, quia vasis multis obliteratis sive compressis sanguinis irruentis copiae nunc imparia sint? Quid haemoptoe, quid hepar sanguine scatens vel inflammatione consumptum in phthisi v. gr. pulmonali? Laentec asserit in hepate tubercula per-

raro (Dans le foie les tubercules forment de masses très volumineuses et arrivent rarement jusqu' au ramollissement complet.) liquefieri. Quid inde? Bils officinam propter tuberculata et inflammationibus perraro obnoxiam esse, secundum Gendrin aliorumque opinionem; quod ex mea sententia hancce interpretationem admittit: hepar, licet tuberculis ad sanguinem recipiendum abscondendumque difficilis redditum, minus, quam alia organa propter hanc caussam inflammationibus faveat, exuberanti nimurum sanguini aditu quoquo versus patente.

§ 29.

Quum igitur de liquecentibus tuberculis a cel. Gendrin et Andral prolata minus facile evinceretur sententia, aliam ei, veritati propius accedentem substituere non esset certe, quod ultra fines propositi mei et hujusce voluminis consistaret. Ad rem proprio.

§ 30.

Ex iis, quibus materiam quamcunque organicam sponte, nullius inflammationis adminiculo liquefieri, res intellectu et dictu difficillima videtur esse, clar. Lobstein, numne melius, quaerit, sibi perspectum habeant, quo modo lympha plastica liquida in ossa, nervos, arterias et cet. transeat? Evidem puto in nervis. acquiescendum esse, non ut utriusque processus ultimam caussam perspiciamus, sed ut tantummodo explicationem sat luculentam habeamus. Nervorum actione in partem aliquam sublata, hujus

nutritionem et functionem pessum dari jam dictum est et nemini non notum; quod etiam quotidie in mollitie liquante ista, quam spontaneam dicunt, ventriculi, cerebri aliarumque partium nec non in liquecentibus indurationibus animalia madvertere licet, quae originem suam ex inflammationibus chronicis trahunt, cuius generis observationes Morgagni, Lieutaud, Andral in magna copia praebent. Karissime quidem indurationes inflammatoryae, quod certe signum pathognomonicum non parvi faciendum suppeditat, liquefunt; ea de causa, quod partim inflammatio adhuc gliscat, tamquam ignis sub cinere doloso, quum jam extinta crederetur, partim quia lympha plastica in interstitio organorum exsudata naturam eorum plus participet, quam materia tuberculosa et majori itaque cum patientia, ut ita dicam, tolerari possit. Magni etiam faciendum indurationem inflammatoryam morbum esse mere localem, quum e contra omnia, quae tuberculorum generationi et evolutioni favent, non in quibusdam provinciis tantummodo vitalitatem depravatam indicent, sed in omnibus organismi partibus; hinc omni cum jure concedi possit, partis illius, quae primaria et praecipua morbi sedes est, nutritionem non minus periclitari, quam secretionem, quae ex parte penitus depravata et alienata cernitur.

§ 31.

Becker, Schröder van der Kolk et Lombard nervis etiam in tuberculis liquefaciendis vim ex parte attribuunt, ea tamen cum differentia, ut

sibi habeant persuasum nervorum actionem pressione, quam fortuito tubercula in illos exercant, suspendi.

Tubercula ab interioribus exteriora versus in genere liquefieri sententiam prolatam fulcire videtur; etenim constat centrum eorum, utut pri-mogenitam partem, prius nervorum dominio subduci debere, quam ceteras, recentioris originis partes.

§ 32.

Interdum materia tuberculorum loco mutationis consuetae et cuius mentio facta est, aliam patitur, in massam duriusculam, calcaream, cre-tae similem, admixta liquoris quadam copia, conversa. Cel. Andral, cui juxta hujuscmodi permutationem illam consuetam simul observare contigit, resorbitione particularum animalium hoc fieri dicit. Nam secundum Thénard 100 part. massae tuberculosae nondum liquesfactae constare videntur ex: materiae animalis 98,15, Natri muriatici, Calcariae phosphoricae et carbonicae, singulorum 1,85 et paululo oxydi ferri; tuberculorum vero calcareorum ex materiae animalis 3 parti, salium 96. Qua cum indagatione optimè convenientiunt, quae van der Boon Mesch (vid. Schr. v. d. Kolk) in calculis bronchialibus et pulmonalibus invenit; ita, ut dubitare vix licet, tum istos calculos, tum concretiones calca-reas et cretaceas, quas cel. Laennec concré-tions cretacées nuncupat, tuberculis reipsa adnumeran-dos esse.

§ 33.

Chemicae tuberculorum indagationes, quae mihi ad hunc usque diem innotuere, non omnino inter se conveniunt, quod facile perspicies, si cum collaudatis hanc a cel. Lassaigne cum tuberculis pulmonum et hepatis in equis inventis instituam conferre velis; invenit nempe in 100 partibus

Albuminis coagulati — in tub. pulm. 40 — h 50.

Calcariae phosphoricae — — — 55 — 45.

— carbonicae — — — 9 — 4.

Sodium in aqua solub. $(CO_2 + NaO)_16$ — 1;

vel quae a cel. Specht (Argentorati; vid. Lob-stein) in tuberculis hominis detecta fuerunt,

Albuminis — — — 1 Gramm. 4 Decigramm.

Gelatinae — — — 1 — 2 —

Fibrinae — — — 1 — 8 —

Aqua (seu jacturae) 1 — 6 —

Itaque a vero non multum aberraturum me esse credo statuentem, differentias istas misionis tuberculorum non tam explorantium culpa, quam potius revera diversa tuberculorum indeole produci. Nam praeter totius corporis péculiarem diathesin, ad tubercula generanda, alia adhuc momenta varii generis necessaria esse videntur v. c. secretioum turbationes; ita ut secretionum vices in remotissimis non raro, attamen sympathia conjunctis partibus vel textus cellulosus, vel alia quaedam pars suscipiat et id, quod tuberculorum nomine gaudet, producat. Patet tuberculorum misionem, alia secretionem sistente,

aliam esse debere, tametsi in uno eodemque organo compareant. Lochiorum, menstruo fluxu suppressis tubercula fibrina abundare oportet; transpiratione impedita albumine; impeditis vero crisibus arthriticorum calce et salibus etc. Hinc respectu generationis tuberculorum calcareorum cel. Andral, nulla conditione interposita, annuere noluerim.

§ 34.

De tuberculorum primaria sede inter scriptores non convenit. Aliis hoc argumentum silentio praetereruntibus, alii tuberculis pro sede textum cellulosum aliorum textuum interstitia expletum designant, (Baillie, Lobstein), ex quo illa vicinas partes confoedarent, tum compellendo vel distrahendo, tum penetrando. Texturam partium tubercula ambientium integerimam in genere esse jam supra monitum est. Observarunt hujus generis tubercula in pulmonum, hepatis, splenis, renum, cerebri, prostatae, epididymidis, glandularum lymphaticarum tela cellulosa (parenchymate); in ossibus, sub cute, membranis serosis, mucosis, inter muscularum fasciculos vasorumque membranas, uno verbo, in omnibus fere corporis partibus. Andral lymphaticorum vasorum cava materia tuberculosa expleta sese non raro observasse dicit, licet dubitationem reliquerit, num in vasis ipsis materia ista efformata fuerit, an ex aliis partibus hausta. Teste Louis (ap. Gendrin) intimos calyculum renalium parietes materia tuberculosa obductos eamque in vase deferente, quin in utero inventam suisse constat. Idem tubercula in ce-

rebelli tentorio nec non in peritonaei membra na observavit.

De origine tuberculorum scriptores in contrarias partes distrahuntur. Omnes hoc respectu prolatae opiniones in quatuor partes deduci possunt.

§ 35.

Credebat olim praeante Portal, Jos. Frank aliique, quae tubercula adpellarentur, glandulas esse lymphaticas stagnante in iis et mistione commutata lympha vitiatas. Quam falsa haec sit sententia vel eo constat, quod tubercula iis in locis, ubi nullae adsunt lymphaticae glandulae frequentissima sunt.

§ 36.

Tubercula hydatides esse altera est opinio a cel. Baron et Dupuy praedicata. Qua duplex quiddam supponitur, primum tuberculosam, materiam a primordio semper fluidam esse, deinde cystide inclusam. Alterum veritatis instar habet, quem negari non possit, omnes corporis partes et omnia, quae in iis secernuntur, ab initio fluida esse: cui sententia tamen Andral non favet, epidermidis formationem, quam nunquam liquidam observare liceret, exemplo proferens. Cruveilhier adeo affirmat se hoc tuberculorum primordium observasse. Alterum, quod supponitur, claudicare videtur. Invenit quidem Andral in equis, attamen rarissime, in homine semel tantum, procul a tuberculis omnibus numeris absolutis, vesiculas diaphanas serum limpidum foventes. Nonne vero vesiculae istae, si

tuberculorum fundamentum essent, saepius obsérvari deberent, saltem tubercula cum cystide? Tubercula vero saccata, animalibus vulgatissima in homine perraro' observare licet, testibus Meckel et Lobstein.

§ 37.

Inflammatione tubercula produci a multis adhuc contenditur. Duplici modo sententiam hujuscemodi proflentur. Broussais et Schröder van der Kolk sibi persuasum habent ad producenda tubercula inflammationem omnino necessariam esse, non illam quidem acutam, quae e contra tuberculorum generationi parum favere videatur, sed chronicam, tam lento passu et tam placide incidentem, ut interdum non dignoscatur atque nonnisi irritabilitatem et contractilitatem partium auctas vel nutritionem parumper vegetiorem sistat. Quia aliae magis aptae voces deficiunt, Broussais hoc inflammationis simulacrum irritationem vel subinflammationem nuncupat („Cette dénomination, convient-elle?“). Lymphae et adipis inde insolita copia secretae indoles semper secundum euudem auctorem immutata comparet: Eandem originem concretiones calcareae agnoscant.

§ 38.

Schröder van der Kolk pulmonum modo tuberculis insudavit. Sedula perscrutatione et plus una vice reiteratis experimentis persuasit sibi, tubercula hominum phthisi pulmonali laborantium non in tela pulmonum cellulosa,

uti vulgus credit, primariam habere sedem, sed in vesiculis aëris ipsis; neque alium quidquam esse, nisi lympham plasticam coagulatam. Quum enim vesicularum pulmonis aërearum parietes membrana mucosa tantum fere consintur, et ad lymphae plasticae in justo majori copia, qua normalis partium conditio pericitaretur, exsudationem vasorum vel organi vitam exaltatam (§§ 9, 10) esse oporteat, facile cuiquam liquet, quamobrem ad inflammationem sese converterit originem tuberculorum explicaturus. Nec inflammationem statuit perfectam. Fatetur chronicam esse tamquam lenem, — despuit enim saepe et dolor, calor et rubor, — ut a. vegetiori et morbosa nutritione vix discerni possit; „ubique nimurum ait, ubi novi quid proteratur et formationes lentae in corpore generentur, chronicā haec inflammatio adest.“ Progrediente lymphae exsudatione tubercula pedentim increscere, et vesiculam, qua continentur, vel una dilatari, quo saccata tubercula exoriantur, vel rumpi. Ex hac originis tuberculorum explicatione facile liquere, cur ista respectu ad bronchiorum ramifications ampliores certam observent legem; nam semper medium tuberculum ad axim, quem tibi per bronchiorum canalem fingeres, positum observatur: et cur bronchi extremitas, tuberculis contigua, materia obturetur illi, qua tubercula ipsa conflantur, simillima. Quae attamen omnia et alio pacto optime explicari possunt.

§ 39.

Tum se cadaverum inspectione phthisi de-
natorum eductum esse dicit, pulmones semper

eo loco, quo tuberculis contaminarentur, membranarum spuriarum ope pleurae costali adglutinatos inveniri; membranas istas vasis periretiari sanguiferis pulmonalia vasa cum intercostalibus jungentibus, quo facilius sanguis ex pulmone, ejus copiae nunc impari, deducatur; inde fieri, ut hirudines pectori adplicitae magis juvent phthisicos, quam venae sectiones. Quibus attamen obiciendum esset, membranas spurias pulmones saepe cingere, quibus nulla insideant tubercula; nondum probatum esse, irritationem, quam cerie morbo provectione non facile desiderares, tuberculorum formationi praecedere; hancque pulmonum irritationem non solum sanguinis detractionibus, sed in genere remediis revulsoriis — derivantibus externis ipse Schröder van der Kolk prae ceteris remediis palmam praebet — sedari, imo tolli. Veri mihi igitur magis simile esse videtur, irritationem pulmonum, quae majorem phthisicorum partem pessime habet, tuberculorum potius pedissequam, quam caussam esse, nimirum quia capacitate pulmonum nunc diminuta, isti sanguinis nimia copia obruti, impetum ejus ferre non possunt et ad vividiores et crebriores contractiones concurrunt.

§ 40.

Utriusque opinioni objici praeterea possunt; 1) morbo tuberculoso diahesin modo congenitam, modo acquisitam subjectam esse, quae tam palam est res, ut vel Broussais eam amplius negare non potuerit, dicens dari homines irritationibus et inflammationibus systematis lymphatici

tici magis obnoxios, ac alios; 2) tubercula non in quavis aetate et evolutionis periodo aequa frequentia esse; 3) in multis, interdum fere in omnibus corporis partibus simul provenire; 4) multoties tum parum, tum perfecte evoluta tubercula inveniri sine ullo inflammationis vestigio in circuitu et e contra 5) tam saepe inflammations seu irritations adesse, quin inde tubercula oriantur; 6) lympham coagulabilem in cellulis pulmonum aëreis exsudatam nullo pacto cum tuberculorum materia convenire.

§ 41.

Lombard et olim Andral praeter inflammationem dispositionem certam, ut tubercula lignificantur, necessariam esse credebant. In scriptura (Anat. pathologique), quam paucis ante annis edidit, posterior gravissimam partem diathesi in lignificandis tuberculis tribuit, inflammationem quidem multum afferre, nullo tamen modo necessariam esse non inficiens.

§ 42.

Ultima denique de origine tuberculorum extans sententia, quam nostri aevi sagacissimi oculatissimique viri, omnibus, quae ad enucleandam morbi indolem conferre valeant, rite perpensis, profitentur, eo constat, quod tubercula tantum absit, ut morbum sistant mere localē, ut potius semper ex constitutione quadam modo congenita, modo acquisita pullulent, eorumque evolutionem inflammatio cūtius quidem ad maturitatem perducere valeat, nequaquam vero morbum ipsum progenerare. Tale quid conve-

nit inter scriptores peritissimos clarissimosque Baillie, Soemmering, Bayle, Laennec, Andral, Louis, Lobstein, Gendrin, Baron, Leveillé, Bostan et alios.

Aattamen facilius est veritatem hujus sententiae perspicere, quam id, quod tuberculorum diathesin efficiat.

§ 43.

Ex observationibus cel. Louis, Lombard et Andral, una collatis patet certas hominis aetates tuberculis prae aliis obnoxias esse et quidem organa in aliis aetatibus alia hoc morbo presumdari, nempe 1) fetui et infantibus neonatis hunc morbum parcere, licet infantes jam in gremio materno illo affecti fuisse dicantur; 2) a quarto usque ad sextum vel septimum aetatis annum frequentissimum esse et in primis organa systematis lymphatici aggredi sub constitutionis singularis, quam scrofulosam dicunt, specie; 3) ad pubertatis periodum usque deinde sensim sensimque evanescere, quo magis hauc perturbet, nam phthisin et habitum phthisicum hac aetate in primis progenerat; saevit hic iste morbus ad tricesimum aetatis annum et quidem in pulmonum parenchymate; 4) in annis, qui climacterici dicuntur, frequentia rursus diminuit et hic inde in organis abdominis cayo inclusis obvenire. Homines, qui quinquagesimum annum transilierunt, immunes esse videntur.

§ 44.

Tria itaque humanae vitae stadia huic

morbo imprimis obnoxia sunt, quae totidem evolutionis corporis nostri periodos, diversis characteribus insignitas, exhibent. Pueritiae nempe aetas materiae organicae acquirendae et elaborandae omnis dedita est, quas partes in primis vasa et glandulae lymphaticae et tubi intestinalis tractus agunt, quamobrem his partibus etiam tuberculosus morbus hoc tempore inimicissimus est. Eadem aetate cerebri massa excolitur. Hinc encephali tubercula. Quid reispa sit, quod morbum in hoc, uti in alia aetate, progeneret et quomodo evolvatur, penitus nos latet; innotuit tantum constitutionem scrofulosam inde pullulare innotueruntque signa ejusdem gentilitia.

§ 45.

Non omnibus extra omnis dubitationis aleam positum esse videtur constitutionem ipsumque morbum scrofulosum tuberculis produci, vel ut aliis utar verbis, scrofulas neutiquam morbi tuberculosi in systemate lymphatico nidulantis esse simulacrum, sed morbum cui generis. Vel nuperime Schölein, si fides preelectionum ejus academicarum editori habenda, scrofulosum morbum ex tuberculorum in systemate lymphatico evolutione pendere negavit, ad formae diversitatem inter tubercula nempe et materiam, quam scrofulosam vocat, potissimum provocans: altera enim globosa semper, alteram modo informem, modo, dum v. c. membranis tubi intestinalis abscondatur, compressam ac complanatam esse (Der Tuberkele hat immer eine

rnndliche Form.... Bei Scrofulose richtet sich die Form der Masse nach der Form des Organs... Th. 3. Scroful. Diagn.). Formae et figurae solis discrimeu materiarum organicarum superstruere res est certe dubia et quis est, quem latere posset fundamentum et fontem utriusque morbi neque in tuberculosa neque in scrofulosa materiis quaerenda esse, sed in quadam virium corporis nostri anomala temperie materiarum illarum secretioni favente? Jam Baillie, Meckel aliique similitudinem inter scrofulosum et tuberculosum morbum agnovere.

§ 46.

Sequitur tunc juvenilis aetas, cui maximas insidias morbus tuberculosus struit et in qua tam magni momenti organa adoritur tamque profunde nidulatur, ut semper sere vita periclitetur. Pulmohes potius, quam alia organa in hac aetate morbo succumbere vel eo facile liquet, quod irritabilitati evolvendae stabiliendaque humanum corpus ista periodo quam maxime studeat, pulmonesque praecipue condecorati sint munere sanguini quam maximum dignitatem impertiendi, e qua nimirum tamquam e cardine pendet organorum irritabilitas. Nec pulmonum solum fabrica nunc foedatur. Musculi, in primis pectorales, vita nunc vividissima gaudentes, nec non membranae spuriæ, pulmonibus quae inhaerent, non raro coguntur durante hac vitae epocha tubercula abscondere.

§ 47.

Eo vero tempore, quo corporis evolutio penitus absolvitur, animi vires maximo nitore et vigore excellunt et vires animales non solum ad individuum nutrientum, sed ad ejus speciem etiam propagandam intendantur, mirationi certe non subit morbum tuberculosum organis chylopoeticis, cerebro et genitalibus radicari. Quo magis haec, virilitatis nempe periodus, ad finem vergit et quo magis homo illam ingreditur, in qua a fastigio suo vires ejus sensim sensimque recedunt et canescere incipiunt, eo evidentius organorum machinationes et partium nutritio languent, ista mirifica functionum intricatio solvit et fibra animalis rigescit. Et nostrum morbum eodem tempore, placide et retardato gradu decurrere non est de quo dubitaretur. Hinc cur hepatis tubercula non liquefiant eluet.

§ 48.

Praeter hunc morbi tuberculosi congenitum germen via morbo panditur non raro potentiss corporis functiones varias vel subvertentibus, vel turbantibus et quibus congeniti morbi evolutione acceleratur. Adnumerari iis debent excretionum, modo naturalium, modo criticarum perturbatio, inde aëris inaequalis temperies, coelum humidum, loca depressa, nimia vel frequens irritatio, spirituosorum abusus, victus tenuis, insalubris et multa alia, quae nondum satis innotuerunt.

§ 49.

Restat, ut symptomatum, sub quibus morbus incedit, mentionem faciam. Quod morbum scrofulosum et phthisin, diatherin scrofulosam et phthisicam attinet, non opus est, ut illorum adumbratio hic fiat. Ex quibusnam notis vero tuberculorum praesentia aliis sub conditionibus evolutorum innotescat, tanta adhuc caligne obtutum esse videtur, ut nemo certe sit, qui mittetur me silentio hanc rem praeterire.

§ 50.

Nota. Tuberculis etiam multa animalia obnoxia sunt. Iis, quae hucusque hac de re innotuerint, una collatis, clar. Andral haec concludere posse credit: 1) Alimentorum indolem ad tuberculorum generationem vil conferre; 2) canem domesticum immunem esse; 3) produci morbum coeli commutatione, inertia (leo, simia, pittacus); aere humido, insolationis defectu (vaccae, sues, cuniculus); aeris continua vicissitudine, nimia virium intentione (equus). Quanti hujuscemodi observationes ad tuberculosi morbi naturam eruendam sint, facile quispiam intelliget.

§ 51.

Expositis vero, quae in penu erant, de tuberculosi morbi indole ac natura, ad ultimam propositi nostri partem, carcinoma nempe, sece convertere nunc liceat.

IV. Carcinoma.

§ 52.

Nunc inter autores convenit scirrum et cancerum (et occultum s. carcinoma Gallorum et apertum) non morbos sui generis, sed stadia unius ejusdemque affectionis esse, a qua tamen illam organorum depravationem, quam in genere cancrum molle adpellant [Encephalois Laennec, cancrum Béclard, fungum haemato-dem Hey, Wardrop et Ch. Bell, sarcoma medullare, pancreaticiforme, mammaeforme Abernethy, Meckel, substantiam semini piscium consimilem Monro, spongoid inflammation Burns, fungum medullarem Maunoir, Meckel, Walther, Chelius, Lobstein, Schölein, carcinoma molle, spongiosum Roux, matière encephaloïde Andral (69)], sejungunt Meckel, Walther, Maunoir, Lobstein, Andral, Chelius aliique. Gel. Meckel Melanosien Laenneccii huc etiam adnumerat, quae autem neque degeneratio sui generis est, ut Laennec, Meckel, Alibert, Andral, Schölein credunt, neque secrecio quaedam anomala, sed sanguinis peculiaris degeneratio, cuius ope variis modo normaliter constitutis, modo degeneratis partibus color niger impertitur (Béclard, Breschet, Lobstein).

§ 53.

Si vero omnia, quae scirro et fungo medullari propria et gentilia dicebantur, una con-

feruntur adtentaque oculo spectantur, nullum plane aliud discrimen inter hos morbos animadvertere licet, neque quoad decursum sive exitum, neque respectu structurae mutationis, quam organis, ubi nidulantur, afferunt, nisi quod v. c. inter tubercula in pueris et ea, quibus homines proiectioris aetatis obnoxii sunt obtinet, videlicet ex aetate et constitutione diversa pendens.

§ 54.

Fungus medullaris juvenibus familiaris esse solet et citius decursum suum absolvit, dum scirrhos circa vitae periodum, in qua munus genitale extinguitur, hominibus familiaris est et lento passu incedit. Alter saepius in multis organis et quidem nulla synergia inter sese gaudentibus simul occurrit, alter e contra organis systematis sexualis inimicus est. Alter albumine et vasis sanguiferis abundat et mollior inde est, alter magna fibrinae et gelatinae (v. § 58; etiam Lohstein) copia gaudet. Cel. Waltheri sententia in fungo medullari vasa sanguifera dilatata esse, parietibus eorum communitis, in scirrho vero coarctata vel omnino oblitterata (pag. 220) falsa est, quum et scirrhos, uti constat, vasis praeditus sit eodem modo dispositis et innumeris, ac in fungo medullari, testimonibus Lohstein et Gendrin. Ipse clar. Walther alio loco haec verba profert: „in allen Fällen, wo sich Geschwülste bilden, müssen wir eine Vermehrung (quod et Abernethy probat) und in einem gewissen Grade in Unord-

nung gerathene Wirkung der Gefäße annehmen etc.“ (pag. 522). Itaque sine dubio non de va- sis scirrhi propriis, sed partis, in qua scirrhos sese efformavit, hoc valet. Maunoir contendit (vid. Lobstein) eam diversitatem fungo me- dullari cum scirrho inesse, quod alterius ope organorum substantia in materiam convertatur aequalem sine ullo texturae indicio, alter vero organa debeat comprimendo. Quod sine dubio, si verum est, non adeo magni facieundum esse crediderim.

§ 55.

Quae quum ita sint, e re mihi esse vide- tur amborum morborum parcam delineationem communis carcinomatis nomine comprehendere unaque exponere, alterum carcinoma molle, alterum durum designando.

§ 56.

In primo limine morbus hic apparet sub forma substantiae diaphanae, nodosae, tuberosae (lappensförmig) duritiem vel cartilaginis vel lar- di simulantis, quae inter interstitia textuum organicorum, in tela scilicet cellulosa exorta vel arcte ad unum locum circumscribitur et hinc organismo insidias struit, vel latius per omnes organi partes diffusa est; quo pars, in qua malum radices agit decoloratur, volumine diminuitur vel et augetur, densitate vero semper augetur, compage genuina diu tamen per-

spicua. Penitus lustrata substantia haec anomala confata comparet ex cellulis irregularibus materia quadam fibrosa, opaca, plus minusve dura contextis et pulpam translucentem fuscum, vel viridescentem vel luteam vel rubescentem vel albidam foventibus. Ista carcinomatis textura caussa est, ut simulac e corpore sublatum perscissum (et in primis carcinoma durum) fuerit in superficie inde oborta primum laevi et quodam niture insignita, tumuli passim apparent molles, subdiaphani, quum nempe contractilitate fibrosae materiae nondum exhausta altera foras protrudatur.

§ 57.

Partes carcinoma ambientes sanissimae esse consuerunt, nisi exciperes telam cellulosaam ambientem interstitiaque inter singulos lobos ex plentem magis condensatam esse, membranae ad instar, et vasis pereptari sanguiferis simplissimis, substantiam carcinomatis propriam non adeuntibus, quo fit, ut carcinoma sacco inclusum videatur, quocum tamen nunquam arce cohaeret, quum ley adhibita tractione eximi possit. Minutiores vero vasorum rami obturati esse videntur. Venae, quae in superficie organorum affectorum decurrunt vel in eorum aliis provinciis, dilatatae sunt atque vericosae.

§ 58.

Chemica indagatio patet, carcinoma in hac evolutionis suae epocha albumine, gelatina,

fibrina, adipem et aqua constare, varia tamen proportione pro varia organorum, ex quibus carcinomatosa substantia depromta est, natura, ut videtur, inter se conjunctis.

Hecht Argentorati (vid. Lobstein) invenit in 3j substantiae carcinomaticae durae mammis insidentis

Albuminis	Gr. 2
Gelatinæ	— 20
Fibrinæ	— 20
Adipis	— 10
Aquæ (seu jacturae)	— 20
et aliae, quae utero inhaerebat	
Albuminis	0
Gelatinæ	15
Fibrinæ	10
Adipis	10
Aquæ	35;

in substantia, quam fungum medullarem vocant, nondum liquefacta albuminis et gelatinæ nonnihil, fibrinam, calcariam phosphoricam — nihil adipis —, in liquefacta vero albuminis majorem quantitatem et nihil gelatinæ: utraque substantia ne hilum puris ostendit.

Collard de Martigny invenit haec: (vid. Berzel. Chem. pag. 599).

Aquaé	0,87
Adipis	0,01
Glutinis	0,01
Albuminis	10,00
Mater. duriusculæ	0,11

§ 59.

Tantum abest, ut carcinoma semel effor-
matum vel natura ipsa vel medicaminibus un-
quam discuti vel resolvi possit, ut potius de
die in diem celeriori gradu in evolutione sua
progrediatur latiusque propagetur. Quae propaga-
tio peculiariter fieri dicuntur; vel per parti-
um contiguitatem, vel nervorum vel denique
vasorum lymphaticorum et venarum resorbant
materiam aliis in locis deponentium ope. Quo
fiat, ut in carcinomatis primaria ambitu secundaria
(negante Scarpa) exoriantur, vel carcinomatis
primaria volumen magis magisque augeatur vel
ut denique totius organismi compages inde la-
befactata corruat. Qualis attamen propagationis
ratio maximam mihi dubitationem movet. De
quo argumento infra. (§ 63).

§ 60.

Majori minorive temporis spatio elapsso,
carcinomatosa substantia indolem suam permu-
tat. Antea penitus exanguis, vascula nunc san-
guinea in inumeros ramos discedentia et vo-
lumine et copia paulatim crescentia inter lobulos
suos abscondit. Majorem dignitatem itaque
acquirere videtur. At simul cum vasis sese
evolventibus, altera substantia carcinomatis mol-
lior et cellulis inclusa opaca fit eamque mutatio-
nem subit, ut massam albicantem, cerebro fe-
tus consimilem, inde cerebriformem dictam, re-
ferat, cuius copia crescente, cellulae, quibus

abscondebatur, dissiliunt et altera materia ean-
dem mutationem subit. Carcinoma nunc intu-
mescit, formam nodosam amittit, mollescit et
digito compressum liquoris cuiusdam fluctuantis
sensum producit. Substantia cerebriformis primum
in materiam gelatinosam, colore luridam, gri-
seam, deinde in ichorem pellucidum, foetorem
spargentem intolerabilem, partes vicinas corro-
dendentem transit. Donec organi, in quo carcino-
ma absconditur, nondum disrupta est superficies,
materia gelatinosa, vel ichor uno vel pluribus
locis accumulantur, quo majori vel minori ca-
pacitate insignita cava sunt.

§ 61.

Ichor argento colorem nigrum impertitur,
succo violaceo vero viridem. Alkali naturam
ejus non videtur permutare, admisto vero aci-
do sulphurico gas emanat, gas hydrothionici
ammoniaco nupti naturam simulans.

§ 62.

Eodem fere tempore, quo haec in interiori-
bus transiguntur, in superficie organi carcinoma
abscondentis varia etiam obveniunt. Cutis (si
illa nempe organou terminatur extus) aequabili-
tatem et candorem suum amittit, livescit, tumore
carcinomatoso agglutinatur (quae cancer di-
untur occultus), rumpitur in ulcus marginibus du-
ris, reflexis, sinuosus, superficie quoad durissem
inaequali et excrescentibz slividis sanguinolentis-
que obsessa. Carcinomati cancri simpliciter vel

cancri aperti nomen tunc tribuitur. Ex ulcere latius semper proserpente ichor promanat. Ubi jam in hoc morbo ad ultimum ventum est, quod sub coelo calido mox accidit, ulcus materia grisescente, foetida, ex qua vermium copia pullulat, obducitur,

§ 63.

Ad hoc evolutionis suae stadium, in quo maximum vigorem adipiscitur, morbo perduto, vires aegroti de die in diem conficiuntur. Dolores, quibus jam ante liquefcentis carcinoma miserrime excruciat, cito nunc exasperantur, facies livescit, fit luridi coloris vel lutescentis cum quodam nitore peculiari malumque cito proserpit in partes contiguas, nullo earum structurae discrimine habito (Abernethy), quae brevi eamdemque metamorphosin patiuntur. Cutis arescit, faciei pallor incutitur; lineamenta valitudinem secundam amissam, cachexiam produnt, cancerosam (carcinomaticam) quam vocant. Si carcinomate nondum aperto in viciniis nulla secundaria carcinomata apparuerint, carcinoma solitarium manet etiam per reliquum morbi decursum, licet vires aegroti jam omnino fractae sint (Walther); quo sane ad magnum probabilitatis speciem opinio adducitur carcinoma neque eo, quod liquefcat, neque ichore venarum vel vasorum lymphaticorum, quin nervorum (Breveschel) ope in ceteras, tum vicinas, tum procul jacentes partes delato totumque corpus inde inquinante, huic interitum parare, sed uti tubercula,

virium vitalium dissidio, cuius indolem amplius investigare non fas est, formationi et secretioni materiae carcinomaticae ausam praebente. Accedit, quod ichor ex ulcere carcinomatico manans vel in carcinomate absconditus, testantibus cel. Alibert, Biott et Dupuytren neutiquam contagiosus sit. Perraro etiam carcinomate organon quoddam singulare infestatur (Meckel): saepius in multis partibus simul adest et ubicunque quidem in eodem evolutionis stadio (Meckel). Animadversum etiam morbi istam propagacionem nunquam sere juxta vasorum lymphaticorum decursum fieri (Meckel, Lobstein).

§ 64.

Carcinoma (durum) frequentissimum in eadem vitae aetate est, quae annis climactericis, ut dicunt, continetur. Feminae huic morbo magis obnoxiae sunt, ac viri. Genitalia in primis infestat; at etiam alia organa, uti sunt, glandulae lymphaticae, adeps, oesophagus, pylorus, valvula intestini coeci, hepar, organa sensuum, nervi. Feminae boni moris, vitam coelibem agentes seu eae, quibus nulla in matrimonio proles concessa est, saepius carcinomatibus vexantur quam illae, quae sub contrariis conditionibus vitam degunt. Sternunt iis etiam viam vita sedentaria, temperamentum melancholicum, sensile, aerumnae vel nimiae sollicitudines. Nonne haec omnia etiam probare videntur, carcinoma neutiquam esse locale, sed ex aequilibrio functionum corporis nostri sublatu-

pendere? Sistente qualiter secrezione vel alio quodam munere secundum naturae leges, quid observare licet? Nunquam repente partes munere sibi demandato fungi desinunt, si convenient naturae certa quadam vitae epocha ut officium istud vel aliud finem habeat; sed sensim sensimque simul alio quodam officio vel alia quadam secrezione auctis eodem tempore. Quam legem in obesitate, quae genitalium functionem diminutam vel penitus sublatam insequi solet,clare perspicere licet. Organa sexualia non prius ad vigoris sui fastigium pervenient, quam ceteris partibus quoad evolutionem ac formationem omnibus numeris absolutis. Si prius ad majorem actionem exercendam, quam quae iis pro tempore concessa est, haec organa impelluntur, nutritio et evolutio ceterarum partium peccat ac manca est. Non raro vero accedit, ut sistentibus quibusdam ad certam aetatem functionibus, v. c. munere genitali in matronis, nullae aliae functiones consueto more earum vices suscipiant. Exoriuntur tum inconsuetae quaedam secretiones, quae dummodo non nimis ceteras functiones perturbant, ab initio corpus iuvare videntur, licet tandem aliquando valetudini secundae damnum afferant. Haec in primis de scirri generatione valent. Lobstein adeo testatur scirrum quatuordecim annorum spatio impune in corpore fotum fuisse.

§. 65.

Quodsi quodam dispositionem vel, ut po-

tius dicam, quamdam virium vitalium temperiem ad gigendum carcinoma adesse non oporteret, cur quae semel formatum in evolutione sua nunquam consistit, cur nulla adhuc invenia sunt medicamina, quae atrocissimo huic morbo medeantur? Quomodo, qua de causa tunc oriatur?

Certe nemo nostris temporibus inficiabitur carcinoma, tum durum, tum molle medicaminibus, quin externis, sanari nequaquam posse. Quis ignoret saepissime, simulac cultri ope pars carcinomatique inquinata sublata fuerit, morbum terribilem in modum recrudescere carcinomatiam materiam ubicunque repellulare? Sunt, qui dicuntur multos aegrotos ferro a malo isto penitus liberavisse. Quis attamen ab omni suspitione immupis esse posset, dum secum reputaverit, quam vacillans vel nostra memoria carcinomatis notio sit, carcinomatis loco innocuum indurationem exemptam fuisse? Concederem rem prospere succedisse, si peracta excisione fonticulus in quodam loco apertus fuerit, quo nimirum functionum tum naturalium, tum anomalarum aequabilitas stabiliretur (vid. ap. Walther carcinomatis duri sanationem hac methodo perfectam). Quae ad firmandam nostram sententiam quanti sint, nemo est, qui non intelliget.

§. 66.

Sunt, quibus praeter certam dispositionem alia quaedam ad morbum eliciendum requiri videntur (Walther, Chelius, Lobstein). Claris-

simo Walther non parum similitudinis inter carcinoma, durum quod vocant, et indurationem inflammatoriam intercedere videtur, ex quo concludit carcinomatis istam formam produci 1) incitatione nimis saepe repetita, at non tam valida vel tam protracta, ut sufficiens reactio illam insequeretur; 2) organorum reactione non sufficiente vel penitus impedita: hinc contusione in omnibus corporis partibus, in organis genitalibus feminis coitu saepius repetito, quem vero conceptio (reactio) non consequatur, admodum vegeta imaginatione, manustupratione; lactatione non suscepta (mammarum reactio tollitur). Eamdem rem exposuit, aliis attamen verbis usus. Nam impedita reactio functionis vel secretionis cuiusvis impeditum significat officium. Quidnam inde sequatur jam notum est.

§ 67.

Sunt vero alii, qui persuasissimum sibi habent, sine ulla dispositione generali et uti morbum localem carcinomata progenerari (Broussais, Brechet, Fenus): quem ad finem id, quod incitationem, subinflammationem compellunt, sufficere valeat. Quidnam vero hoc sit, vel jure interrogatur, quum et indurationem inflammatoriam, et tubercula, et carcinoma, et vulnerum coalitionem, et morbum syphiliticum, et gastritidem, et febres, verbo, omnes morbos, quibus humana obnoxia est stirps, producat. Quid carcinomatis quaeso cum vulnerum coalitione, vel syphilidis cum gastritide similitudinis? Num

dolores vehementissimi, intermittentes, quibus carcinoma aegrotulos miserrime excruciat etiam in vulnerum coalitione vel in tuberculo morbo obveniunt? Numne eodem modo febres, inflammatorias quas dicunt, tubercula, carcinoma, hepatitis et quae sunt hujus generis homines trucidant? Sed quid loquor? Sane ista incitatio, subinflammatio vel nihil omnino significat, vel id, quod vim vitalem, nisum formativum etc. appellamus. Quanti vero vis vitalis in morbo carcinomatico facienda sit et qua de causa iste morbus neutquam localis censendus sit, jam dictum est.

§ 68.

Animadvertendum esset genuinam inflammationem interdum circum carcinoma eo tempore non desiderari, quum istud liquefit. Carcinomata autem accidente tantum inflammatione liquefieri (Gendrin) nemo certe contendere vellet. De quo argumento conseruantur quae de liquefcentibus tuberculis dicta sunt (§§28—30). Contigit etiamclar. Walther offendere abscessum ad plenam maturitatem perductum juxta scirrum, quin iste ulla liquefactionis vestigia praebuerit.

§ 69.

Clar. Andral carcinoma (durum), ait, textus cuiusdam modo solam hypertrophiam esse, modo secretionem simul quamdam praeternaturalē. Sola hypertrophia genuinum efformari carcinoma: quod si pallescere incipiat, striis sanguineis notari, vasis gaudere, quae omnia iudicio es-

sent, secretionem quampliam morbosam vasorumque inconsuetam evolutionem praeter hypertrophiam adesse, habere coram nobis, quod a Laennec tissu encephaloide à l'état de crudité nuncupatur. Quod vero ab eodem auctore tissu encephaloide à l'état de ramollissement appellatur, fungum medullare etc. auctorum esse,

§ 70.

Adams, praeceuntibus cel. Hunter et Carmichael carcinoma (durum) animalculorum congregationem esse docet, de qua sententia nihil est opus dicere, quum a clar. Meckel maximo cum applausu refutata sit.

Flocci pendenda est etiam sententia cel. Maunoir carcinomatis speciem, quam fungum medullarem dicunt, a pulpa nervorum effusa derivantis, quamvis ne similitudinis species materiae nerveae cum fungo medullari in primo suo stadio versanti adest.

§ 71.

Si in memoriam revocamus, quae de carcinomatis natura et indole supra dicta sunt, nulla ejus sedis causa dubitatio subire potest. Quum nempe extra omnis dubitationis aleam positum sit, carcinomatosam materiam eodem sere pacto, quo tubercula, secretione scilicet progenerari vel exsudatione, neutquam vero normalium partium transformatione — nam diu v. c. organorum morbo isto contaminatorum texura in propotulo, est — alium textum praeter telam collulosam, in quo in intimis organis se-

cretio ista fiat, non invenimus. Loco halitus vitalis etiam hic aliud quidquid inter organorum interstitia comparet.

§ 72.

Videtur nonnullis scriptoribus interdum cancrum per se nullo antegresso carcinomate ori possse, in primis in cute et membranis mucosis (Walther, Andral). Falso vero pustulam, nodulum, rhagades vel quae sunt hujus generis parum conspicuae organorum mutationes quaeque semper cancri evolutioni praeeunt vel praetervidentur, vel pro primo cancri stadium agnoscere volunt.

§ 73.

Andral vero contendit cancrum neque carcinomatis solum ultimum stadium, neque sui generis secretionem esse, sed colliquationem vel ulcerationem (ulcération, Verjauchung), quam partes diversae modo secretione quadam peculiari, modo hypertrophia, modo sanguinis congestione etc. degeneratae subeant; ultimum igitur non solum carcinomatis, sed et aliorum morborum stadium esse.

§ 74.

Cel. Lobstein sub nomine substantiae larvaceae a scirrho et fungo medullari morbum quemdam organicum in cute, tela cellulosa (in elephantiasi), musculis et nervis, ossibus (osteopathia) —

sarcosis), pulmonibus (hepatisatio alba vulgo), hepate, liene et renibus occurrentem distinguit, qui tamen, ut videtur, carcinomatis species potius, quam morbus sui generis est, quem etiam secretione abnormi exoriatur neque affectioni, quae scirrus ventriculi audit, absimilis sit (§ 81.) Nam partes organicae mole et pondere insimul auctae in materiam quamdam lardaceam (sebacēam) vasis et omni texture carentem, interdum serius quidem mollescentem et rarescentem, non-nunquam etiam post majus temporis spatium in verum cancrum (§ 62) transeuntem (sunt ejus verba), nunquam vero tuberculorum (§ 27) vel carcinomatis (§ 60) ad instar liquecentem, informem et nunquam involucro quodam inclusam transformantur, ita, ut in majus semper spatium texture partis primaria omnino evanescat. Cujus quum morbi vero, licet ille forsitan in rene sinistri lateris (vid. necrosc.) sese patefecerit, neque fusior adumbratio ad propositum nostrum pertineat, neque natura inter omnes conveniat, acquiescere hic e re milii videtur.

§ 75.

Si mecum reputo, quae nunc de inflammationibus, hypertrophia, tuberculis, fungo medullari et scirro (vel de duro et molli carcinomate) indicata sunt, maxime comprobanda mihi videtur sententia hepatis vitium, quod mihi observare licuit, ex inflammatione hujus organi chronica originem suam traxisse, quamquam

ante aliquot annorum seriem talis a legitima fabrica organi abalienatio sine ullo dubio ordini morborum scirrhosorum vel tuberculis admixta fuissest (§ 2.).

§ 76.

Fateri quidem oportet carcinomatis et molliis et duri, nec non tuberculorum in hepate signa pathognomica hic inde dubia ac incerta adhuc esse et dubitationem de casus nostri natura eo augeri posse, quod aetas aegroti his morbis certo sub respectu, utut jam dictum est (§§ 47. 64), non parum favisse videtur. Jam auctorum de variis hepatis vitiis organicis dissensio dubiam eorum naturam arguit, quod in primis eluet collatis variorum scriptorum sententiis. Ita ex. gr. Meckel omnia fere hepatis vitiia, quae Bayle, Farre et in primis Baillie sub hepatis tuberculorum nomine enumerant ad fungum medullarem pertinere credit. En vero, quae Baillie hac ratione attulit, in compendium contracta:

1. *Tubercula hepatis communia.* Morbus hominibus mediae vel proiectioris aetatis familiaris. Saepius mares et quidem vinosos, quam feminas infestat. Tubercula ista, magnitudinis mediocritatis uvae acinorum vel avellanae, sunt rotunda, cum pauca flavedine alba, densa, conferita et totam hepatis substantiam, quae praeterea non raro sanissima offenditur (Saunders), explore solent, quo fit, ut hepar exasperatum appareat (und geben der Leber dadurch ein unregelmässiges Ansehn), durissimum margine anteriore non raro inflexo, volumine tamen ne-

quaquam adaucto, quin diminuto. Vasa tamen comminuta esse videntur et una cum ductibus excretoriis (austuhrende Gefäße) compressa; inde hepar ipsum colore luteo sussusum, vesica fellea bale carens, icterus et hydrops (aquis luteo colore tinctis). Clar. Soemmering scirrum in ista alienatione videt.

2. *Tubera hepatis magna alba.* Castaneae nucis magnitudinem adaequant, e substantia conflantur duruscula, aequali, non pellucida, colore albo; magisque in hepatis circumferentia, quam in medio hepate obveniunt. Sanissima hepatis substantia circumdantur. In superficie impressiones (quas tamen cel. Meckel non semper observavit) habent ac interdum in intimis partibus materiem gerunt spissiorem, tuberculis liquefactis simillimam (dicker Eiter, der dem von scrofulösen Geschwüren ähnlich ist). Hepar mole auctum esse solet. Hanc tuberorum speciem, quam etiam ascites concomitatur, Baillie genuino scirrho adnumerat. Secundum Voigtel omnes hepatis tumores, quos Steatomata vocant, huc pertinent.

3. *Tubera mollia badii coloris (braun).* Raro obveniunt. Magnitudinem habent nucis juglandis regiae, hepatis superficiem obsident et conflantur substantia laevi, molli et badii coloris.

4. *Tubera hepatis scrofulosa.* Tuber- culis pulmonum simillima, nisi colorēm fusciorēm exciperet; rarissima sunt. Hepatis superficiem non exasperant. Baillie (et Voigtel) tubercula genuina esse videntur.

5. *Hepar interdum justo laxius esse et in-*
moribus rubescientibus majoribus materiam semi-
liquidam soventibus (ein dickliches Eiter) obsi-
deri solet. Quam desorganisationem Baillie fun-
gum hämatoden (carcinoma molle nobis) nun-
cupat.

Quartum tuberorum genus cel. Meckel re-
vera inbercula esse videntur, prima tria vero
genera fungus medullaris. Quum vero ista de-
scriptio tam manca sit, ut praeter formam, den-
sitatem magnitudinemque tuberorum nulla fiant
de textura eorum vel totius morbi decursu ver-
ba, res sane adhuc in dubio versatur. Pul-
monis tubercula tamen genuinumque in variis
partibus, v. c. in testiculis, uteri orificio etc.
scirrum Baillie optime et ad unguem delineavit;
unde sequitur tres primas enumeratorum
tuberorum species tuberculis sic dictis neutiquam
certe adnumerandas esse, ipse nimirum solam
quartam uti talem designat.

§ 77.

Nihilominus omnibus diligenter circumspet-
ctis, sequentes rationes sententiam nostram con-
firmare videntur.

§ 78.

A hepate nimirum hypertrophia tantum la-
borante noster hepaticus morbus eo facile di-
scerni potest, quod texturæ genuinae compages
funditus eversa erat (vid. necroscopiam et §§
19. 20).

§ 79.

Tubercula in cruditatis stadio, cum his enim

confundi possent tubera in hepate nostri aegroti inventa, quoad formam, dum nucis avellanae magnitudinem superant, nunquam inveniuntur perfecte globosa, sed adparent potius conglomerata (§ 24); nam non solum progrediente materiae tuberculosaे secretionе volumine increscunt, sed etiam multorum tuberculorum coali-tione in unum (vid. Lobstein). Tubera illa vero rotundissima erant. Tubercula praeterea constantur substantia lutescente, densa, cui nulla cum lardo, similitudo inest (§ 23). Nostra vero tubera omnino lardacea conspiciebantur. (In cadavere aegroti morbo regio laborantis inventit Stoll „jecur cum virore flavum, molle et multis corporibus rotundis, juglaudem nucem aequantibus, cum paucis flavedine albis et quasi sebaceis, ubique disseminatis per omnem substantiam distinctum“. Vol. III. pag. 379). Structura organorum, in quibus tubercula nondum liquata nidulantur, nunquam tantam depravationem patitur, ut non genuina compages hic inde eluceat (§. 24. Meckel). Partes circumiacentes eam metamorphosin pati possunt, ut tuberculis sese intrudentibus tamquam, dilacerentur, distractantur vel comprimantur seu materia tuberculosa imbuantur tamquam (§§ 24. 25); nunquam vero in materiam pulsi consimilem converti solent sine, ulla texturee specie, ut in nostro casu coram habetur. A nimadversum est etiam a cel. Andral varia tuberculorum evolutionis stadia in uno eodemque organo simul comparere (§ 26), quod etiam quodam indicio esse potuisse; nisi cel. Laennec experientia eductus fuerit hepatitis tubercula rarissime liquefieri (§§ 47. 28).

§ 80.
Carcinomatis species, quam fungus medullaris vocant, ab initio habet densitatem quidem lardi instar, at gaudet textura reticulata, cellulosa (§ 36). Ex tribus substantiis conflatum videtur, ex materia plus minus fibrosa reticulatum contexta, altera molliori, pulviformi et vasis deinde sanguiferis (§§ 56. 57). Massa, ex qua fungus medullaris constat non rite globosa forma praedita est; in laciniis (lobulos) minutissimas ubicunque secedit (§ 36), quarum interstitia tela cellulosa condensata et vasa illa sovente expletur (§ 57). Eadem ratione, ut tuberculata organa vitiat (§§ 24. 54).

§ 81.
Scirrhous eadem forma et compage gaudet (§§ 56. 57). Quamvis interdum, quod de scirrho ventriculi (et pancreatis) imprimit valet, lamellosa compage non gaudere dicitur (§ 47), in hepate saltem cel. Meckel evidentissimum cellulosum contextum scirrhi observavit. Partes vicinas eo pacto foedat, ut eas condenserit, pallidiore colore suffundat et sensim sensimque in suam sibi propriam naturam commutat (§§. 56. 54). Praeterea dolores vehementissimi atrocissimique fungum medullarem et scirrum adnotare conserunt (§ 65).

§ 82.
Quorum quum nihil simile apud nostrum aegrotum inventum sit, hepatitis ista affectio neque tuberculosa, neque scirrhosa, neque a fungo medullari exorta esse potest. Certe si casus narratus his morborum generibus adnumerandus esset, dissolutio liquida in tuberibus illis duris,

albidis, flavescentibus incepisset (§§ 27. 60), antequam partes circumiacentes destruerentur, dum hic contra tuberibus adhuc intactis viciniae jam dissolutione corruptae erant (vid. necrosc. hepar). Quodsi ad nullum dictorum vitiorum morbus hic referri potest, maximum momentum inde argumentis, quibus jam in dijudicationis initio (§ 1. vid. et §§ 17. 18) naturam mutationum hepatis descriptarum inflammatoriam demonstrare conati sumus, increscit, eamque fere extra dubitationis aleam ponere videtur.

§ 83.

Ascitem, qui hepatis morbum insecutus est, partim ex inflammatione, partim ex hepatis compage contaminata scaturisse, non est, de quo dubitaretur. Sanguis impeditus, quo minus libere per hepar transiret, in imis abdominis regionibus, testibus intestinis colore subcane suffusis (vid. 'necrosc.'), stagnare debuerat in mistione sua alienatus, quem neque ad bilem efformandam elementa, neque aliae partes ope vasorum absorbentium, quibus hepar certe abundat, ex ejus copia seligi potuerant (bilis etiam depravata inventa est). Justo itaque aquosior latex vitalis et majori, quam par esset, copia organa imi ventris irrigabat; donec pedetentim in peritonaei cavum exhalatus ex parte, hydropem procreaverit.

Sanguinem in mistione sua isto pacto vitiato organique bilis secretorii non parvi in oeconomia animali profecto faciendi fabrica funditus eversa, nutritio corporis detrimentum caperet, vita aegroti periclitaretur mortisque via sternetur necesse erat.